


شُرک و بدعت ہنریاں فرج توجید و سنت الیکارا
باطل عقیدے دے سا ہوں حق دا بارا

اللہ



لا الہ الا اللہ محمد رسول اللہ



توبہ کی امکان

www.KitaboSunnat.com



تصنيف

عبدالرشید کوثر خان

بِسْمِ اللّٰهِ الرَّحْمٰنِ الرَّحِیْمِ
قُلْ أَطِيعُوا اللّٰهَ
وَأَطِيعُوا الرَّسُولَ

مجلس التحقیق الاسلامی اربنہ
معدت البریری

کتاب و سنت کی روشنی میں لکھی جانے والی اردو اسلامی کتب کا سب سے بڑا مفت مرکز

معزز قارئین توجہ فرمائیں

- کتاب و سنت ڈاٹ کام پر دستیاب تمام الیکٹرانک کتب... عام قاری کے مطالعے کیلئے ہیں۔
- مجلس التحقیق الاسلامی کے علمائے کرام کی باقاعدہ تصدیق و اجازت کے بعد (Upload) کی جاتی ہیں۔
- دعوتی مقاصد کیلئے ان کتب کو ڈاؤن لوڈ (Download) کرنے کی اجازت ہے۔

تنبیہ

ان کتب کو تجارتی یا دیگر مادی مقاصد کیلئے استعمال کرنے کی ممانعت ہے
کیونکہ یہ شرعی، اخلاقی اور قانونی جرم ہے۔

اسلامی تعلیمات پر مشتمل کتب متعلقہ ناشرین سے خرید کر تبلیغ دین کی
کاوشوں میں بھرپور شرکت اختیار کریں

PDF کتب کی ڈاؤن لوڈنگ، آن لائن مطالعہ اور دیگر شکایات کے لیے
درج ذیل ای میل ایڈریس پر رابطہ فرمائیں۔

✉ KitaboSunnat@gmail.com

🌐 www.KitaboSunnat.com

شُرک و بتوں کے ہیزیاں فوج توحید و سنت و شکر
بطل عقیدے کے سائبوں حق دانا بارا



توحیدی چمکان

تالیف: عبدالرشید خان عزیز

www.KitaboSunnat.com

حق سٹیٹ
آرڈو بازار لاہور
042-37321865

Web: nomanibooks.com, E-Mail: nomania2000@hotmail.com





جمہور حقوق کتب و رسائل کے لیے محفوظ ہیں

نام کتاب

توحیدی چمکان

تالیف

عبدالرشید خان

اگست ۲۰۱۰ء

تاریخ اشاعت

ایس ٹی این پرنٹرز لاہور

مطبوعہ

نومانی کتب خانہ لاہور

ناشر

COPY RIGHT (All rights reserved)

Exclusive rights by Nomani Kutab Khana Lahore Pakistan. No part of this publication may be translated, reproduced, distributed in any form or by any means or stored in a data base retrieval system, without the prior written permission of the publisher.

NOMANI KUTAB KHANA

Haq Street Urdu Bazar, Lahore-Pakistan Tel: 37321865
E-Mail: nomania2000@hotmail.com



جملہ حقوق بحق مکتبہ نمانی محفوظ ہیں

نام کتاب

توحیری چمکان

تالیف

عبدالرشید خان

اگست ۲۰۱۰ء

تاریخ اشاعت

ایس ٹی این پرنٹرز لاہور

مطبوعہ

مکتبہ نمانی لاہور

ناشر

COPY RIGHT (All rights reserved)

Exclusive rights by Nomani Kutab Khana Lahore Pakistan. No part of this publication may be translated, reproduced, distributed in any form or by any means or stored in a data base retrieval system, without the prior written permission of the publisher.

NOMANI KUTAB KHANA

Haq Street Urdu Bazar, Lahore-Pakistan Tel: 37321865

E-Mail: nomania2000@hotmail.com



سرناویں

- ۶..... تُو رمنارے..... ❀
- ۱۴..... چمکارے..... ❀
- ۱۷..... ساریاں دی اللہ اے پکار سن دا..... ❀
- ۲۱..... ہر پاپ سے رب دے کمال و سدے..... ❀
- ۲۶..... دو چیزاں..... ❀
- ۲۸..... جنت لہندھے پھر دے نیں..... ❀
- ۳۶..... اللہ دیاں یاداں وچ رہ..... ❀
- ۳۹..... میرے اللہ پاک دے اشارے چل دے..... ❀
- ۴۲..... سنّت چھڈ کے لینا کیہہ..... ❀
- ۴۵..... ہر گل کھول کے حضور ﷺ دس گئے..... ❀
- ۴۹..... شان صحابہؓ..... ❀
- ۵۱..... پچھان دے ای نہیں..... ❀
- ۵۶..... اللہ تیرا کوئی شریک تیری ذات وچ نہیں..... ❀

توحیدی چمکوں

- ۲۰ لوکاں دی اے مت ماری ❀
- ۶۴ عقلوں ویہلے ❀
- ۶۹ مشرک تے بدعتی ❀
- ۷۴ مومن فُر پیندے ❀
- ۷۸ رحمت دیاں چھٹاں ❀
- ۸۳ توحید پیاری لگدی اے ❀
- ۸۶ ظلم ٹوں گزاریا نہ کر ❀
- ۹۰ کئی ایڈے کملے لوکی ❀
- ۹۳ سوچ تے خیال ❀
- ۱۰۰ چوہدری تے مولوی ❀
- ۱۰۶ رب کولوں چاہندا اے جو رب دی رضا ❀
- ۱۱۰ اللہ تے رسول ﷺ کولوں اگے جانا نہیں ❀
- ۱۱۶ لوکاں ٹوں نہ کر گمراہ ❀
- ۱۲۰ رب دا قرآن دس دا ❀
- ۱۲۸ کوئیں میں بھلاواں احسان مالکا ❀
- ۱۳۲ دُور جاوے رب دے قرآن کولوں ویکھ لو ❀
- ۱۳۸ کلمہ کیہہ پڑھیا ❀
- ۱۴۴ زبانی اقرار تے عملی انکار ❀

- ۱۵۰ میرے آقا علیہ السلام اور مقام ❀
- ۱۵۵ ہر ویلے رب دے دھیان و جوتوں ❀
- ۱۶۲ ہو رکتا ہاں پڑھیے کیوں ❀
- ۱۶۵ ارج کل عاشق رسول ﷺ آہندے نہیں ❀
- ۱۷۰ رکتاں ویکھو بندے نال اللہ نوں پیار ❀
- ۱۷۵ ملا دتاں نہ کر ❀
- ۱۸۰ رب دی تعریف کدے ہووے نہ بیان ❀
- ۱۸۳ کر شکر ادائی اللہ دی ❀
- ۱۸۸ پکڑ اللہ پاک دی ❀





نور منارے

عبدالشکور خان عزیز، قصور دے نیڑے پنڈا ٹھیل پورا دوسنیک اے۔
 ایہ سرسبز و شاداب علاقہ ”ماجھا“ کہواندا اے ایتھوں دی پنجابی بولی بڑی
 مٹھدی تے نرول اے ماجھے دی پنجابی نوں پنجابی ادب دے سوجھوان اوویں
 ایں نکالی زبان من دے نیں جیویں اردو ادب وچ دلی دی زبان نوں نیا
 جاندا اے۔ ایہہ ٹھیٹھ پنجابی لہجہ لفظاں دی ورتوں محاورے تے ضرب المثلناں
 عبدالشکور عزیز دی شاعری وچ حسن تے خوبصورتی پیدا کردیاں ہن۔ شاعر دا
 مشاہدہ بڑا گہرا اے۔ اوہ اپنے آل دوالے دے ماحول توں پوری طرحاں
 جانوایں۔ اور اپنے گرد و پیش وسن والے لوکاں دے عقیدے رسم و رواج تے
 سوچاں توں آشنا اے۔ عبدالشکور عزیز دے خمیر وچ توحیدی رنگ رچیا بچیا
 اے۔ اوہ اپنے عقیدے دے اعتبار نال اک پکا سچا توحید پرست مسلمان
 ایں۔ جیہڑا ایس گل اُتے پختہ یقین رکھدا اے کہ اک اللہ ہی ایس پوری
 کائنات دا واحد خالق تے مالک اے۔ اوہو سب دا پالہنار تے پروردگار
 اے۔ اوہ دے حکم نال جن ستارے سورج رات دن اپنے اپنے مدار
 وچ گھم رہے ہن۔ رب سچا ہی ساری مخلوق دارازق اے۔ اوہ جتھے انساناں

توحیدی چمکاں

حیواناں تے چرند پرند نوں رزق دیندا ہے اوتھے ہی اوہ کیڑیاں، مکوڑیاں تے سمندری مخلوق نوں وی ڈھیر خوراک دیندا اے۔ پتھراں وچ کیڑیاں نوں پالدا اے۔ اوہدی اکھ توں کوئی وی چیز ڈھکی چھپی نہیں۔ اوہ ساریاں دی فریاد سن دا اے تے ہر اک دے بلا رے اُتے ہنگارا بھروا اے۔ ساری مخلوق دیاں لوڑاں تھوڑاں پوریاں کر دا اے۔ کوئی وی اوہدے دوارے توں خالی نہیں پرت دا۔ اوہدا دروازہ ہر ویلے کھلا رہندا اے۔ اوتھے دستک دیون واسطے کسے سفارش دی لوڑ نہیں پیندی بلکہ ”ساریاں دی اللہ اے پکار سن دا۔“ اوہدے اُگے کوئی بولی اوپری نہیں۔ اوہدے دربار وچ کسے وڈے چھوٹے دا امتیاز نہیں۔ اوہدا فضل تے کرم سمناں لئی سا بچھا اے۔

عبدالشکور عزیز دے کلام وچ خدا دی وحدانیت دا رنگ اُگھڑواں ایں۔ اور شاعروں اپنے ایس عقیدے تے ناز وی اے۔ ایسے لئی تے اوہ رب سوہنے دا شکر ادا کر دیاں آکھدا اے کہ

کیوں میں بھلاواں احسان مالکا
 مینوں توں بنایا انسان مالکا
 سوچ وئی حماں سنان واسطے
 ہتھ دتے لکھن لکھان واسطے
 جھہ تیرا کر دی بیان مالکا
 کوں میں بھلاواں احسان مالکا



قدرتاں دے رنگ تیرے لکھاں مالکا
 ویکھنے نوں دتیاں توں اکھاں مالکا
 ہر پاسے دے تری شان مالکا
 کوں میں بھلاواں احسان مالکا

عبدالشکور خاں عزیز دوویں جہاناں وچ کامیابی تے کامرانی حاصل کرن واسطے اکونصاب دے پڑھن تے عمل کرن اُتے زور دیندا اے۔ اوہ نصاب اے۔ ”قرآن تے حدیث“۔ شاعر دا عقیدہ اے کہ انسانیت دی فلاح واسطے ایس توں ودھ کوئی نسخہ نہیں۔ اللہ دا قرآن تے رسول اللہ ﷺ دا فرمان ہی کامیابی دی دلیل اے۔ ایس سدھے ساہویں رستے نوں چھڈ کے دو جیاں راہواں تے ٹرنا سراسر گمراہی اے۔ دو جیاں راہواں وچ نہ صرف ایہہ کہ لکھاں تکلیفاں تے اوکڑاں نیں سگوں اوہ راہواں انسان نوں جہالت دے اٹھے کھوہواں وچ جا سٹ دیاں نیں۔ اینھاں راہواں وچ دھکے دھوڑے تے ٹھیڈیاں توں سوکھ نہیں لھد اُہنیرے بھریاں راہواں وچ رسول اللہ ﷺ دا اُسوہ حسنہ لاناں پیاماں دا اے۔ ایسے چائن نال اپنے ظاہر تے باطن نوں روشن کرن دی ضرورت اے۔ نبی کریم ﷺ دی پوری حیاتی ساڈے واسطے نمونہ ایں۔ اونہاں دیاں پاک حدیثاں حشراں تیکر ساڈے لمی ٹور مناراہن۔ اینہاں دے ہندیاں سانوں اٹھے رستیاں تے ٹاک ٹوئیاں مارن دی کوئی لوڑ نہیں شاعر آکھدا اے کہ

ہر گل دی اوہناں کھول کھول کے
 مٹھوی زبان وچوں بول بول کے
 دین والا فہم تے شعور دس گئے
 ہر گل کھول کے حضور ﷺ دس گئے

جدوں ڈھڈ وگتے مولوی اپنے پیٹ دی خاطر اُلٹے سدھے مسئلے
 کولوں ایس گھر گھر کے لوکائی نوں پٹھے راہ پاؤندے نظریں آؤندے نیں تے
 عبدالشکور خان عزیز ایس ظلم اُتے خاموش تماشائی بنیا نہیں رہندا بلکہ ادھ سچ دا
 بلارا بن کے اوس دی ننڈیا کر دے۔ تے سدھے سادھے تے بھولے
 بھالے لوکاں نوں ہلکد اے کہ ایس مولوی دیاں چالاں نوں سمجھو اللہ سچے دا
 دین ایہہ نہیں جے جیہڑا ایہہ گھڑی پھر د اے۔ ایہہ رب دے رسول ﷺ دا
 دیا رستہ نہیں جے۔ ایہدا کوئی ثبوت نہیں جے لہدا۔ نہ ایہہ رسماں صحابہ
 کرام رضی اللہ عنہم نے کیتیاں نہ تابعین نے تے نہ ہی تبع تابعین نے۔ ایہہ رسماں
 صرف مُلاں نے اپنے ڈھڈ دی خاطر ہی بنایاں نیں۔ عبدالشکور خان عزیز
 آکھدا اے۔

ساتا چالیسیا کدھرے قل اے
 دتا پھڑ کے بنھ پڑل اے
 ایہہ ملوانیاں لایا نل اے
 گراہی دے رستے پا کے جت لہدا پھر دے نیں

توحیدی چمکال

۱۰

کولوں وکھرا دین بنا کے جنت لہمدے پھر دے نیں
 یارہویں کدھرے کجے میلاد اے
 روز دیہاڑے نویں ایجاد اے
 وکھو وکھ پنے لین سواد اے
 کولوں وکھری ڈاک چلا کے جنت لہمدے پھر دے نیں
 کولوں وکھرا دین بنا کے جنت لہمدے پھر دے نیں

شاعر نے پوری کتاب وچ تھاں تھاں شرک و بدعت دی تند یا کیتی
 اے اپنی گل نوں مدلل کرن لئی قرآنی آیات تے احادیث مبارکہ دے
 حوالے ورتے نیں۔ جتھوں پتہ چلدا اے کہ شاعر نے خیالی نظریے نہیں
 رکھدا بلکہ اوہ اک عالم باعمل اے۔ قرآن و حدیث تے اوہدی گہری نظر
 اے۔ چونکہ سرکاری ملازمت توں ریٹائرمنٹ دے بعد شاعر اپنے پنڈ دی
 مسیت دا خطیب تے امام دی اے اور بطور مدرس بالان نوں دینی تعلیم وی
 دیندا اے۔ ایس لئی اوہدی شاعری وچ خطیبانہ تے ناصحانہ انداز غالب
 اے۔ اوہ بڑے بھرویوں تے ٹھکویں ڈھنگ نال قبر پرستی دی مخالفت کردا
 اے۔ اور لوکاں نوں اوس سدھے سادے رستے اُتے چلن لئی دعوت دیندا
 اے جیہڑا رستہ نبی آخر الزماں حضرت محمد ﷺ نے دکھایا اے اوہدی شاعری
 دا مخاطب پیر پرست، قبر پرست، توہم پرست مردتے عورتاں نیں۔ اوہدی
 شاعری لاپچی مُٹاں دے خلاف سچ دا تقارار اے۔ اوہدی شاعری شرک و

توحیدی چمکال

۱۱

بدعت دیاں رساں ساہویں حق لکارا اے۔

اوہ اک صاف تے کھرا توحید پرست، اک سچا تے سچا مُجَبِّتِ
رسول ﷺ اے۔ اوہ سارے خلفائے راشدین دا عقیدت مند تے من والا
اے۔ اور صحابہ کرام دی عظمت دے گیت گاؤندا اے۔ اوہ سارے
صحابیاں رضی اللہ عنہم نوں اپنے لئی راہبر مندا اے۔ اور صحابہ دی زندگی نوں اسلام
دے نور منارے آکھدا اے۔ جیویں ایہہ بند ملاحظہ کرو۔

پیکرِ بوکر صدقت دا، ول دیا عمر عدالت دا
مشہور سخی عثمان غنی، علی شیر سالار شجاعت دا
جہاں دی عظمت دے چمپے پے کر دے دیکھ پارے نیں
ہے شان بلند صحابہ رضی اللہ عنہم دی، اسلام دے نور منارے نیں

کڈھے سوہنے انداز وچ شاعر نے خلفائے راشدین دے نال
مبارک اوہ سے ترتیب نال شعراں وچ پروئے نیں۔ جیہیں ترتیب نال اوہناں
دا دور خلافت سی۔ اور تمام خلفاء دے اوصاف اک اک حرف وچ بیان کر
کے دریاں نوں کوزے وچ بند کر دتا اے۔ حالانکہ اگر شاعر چاہندا تے اپنی
قادر الکلامی دے جوہر دکھان دیاں پوری تفصیل وچ ہر ہر خلیفہ دے اوصاف
تے اطوار بیان کر سکدا سی۔ مگر اوہ تھے نظم دی لوڑ مطابق اختصار نال انج
اوصاف بیان کیجے نیں کہ پوری شخصیت اُگھو کے سامنے آ گئی اے
حضرت ابو بکر صدیق دی صداقت، حضرت عمر دی عدالت، حضرت عثمان غنی

دی سخاوت اور حضرت علیؑ دی شجاعت غرضیکہ پوری شاعری وچ عبدالشکور خان عزیز دی سوہنے رب نال لگن، محبت، بندگی، عاجزی، گریہ زاری تے عرضوئی نکھرے کے ساہنے آؤندی اے۔

انج ہی اپنی پوری شاعری وچ عبدالشکور خان عزیز اپنے با اختیار ہون دی نفی کردا اے۔ تے آکھدا اے کہ ”سارے اختیار میرے اللہ کول نیں۔ کتے انج آکھدا اے۔

اللہ نوں پکار اللہ سمج تے بصیر
دلاں دیاں جانے اوہ علیم تے خبیر
جدوں لوڑ پوے اوہدا بوہا مل بہہ
ہر ویلے اللہ دیاں یاداں وچ رہ
ہر ویلے منگ اک اللہ دی پناہ
سارا ای جہان فانی اللہ نوں بقا
رب جیہڑے بن دے سی مٹی رُل گئے
ہر ویلے اللہ دیاں یاداں وچ رہ

انج عبدالشکور خان عزیز ہوراں توحید رسالت تے صحابہ کرامؓ دی عقیدت تے اتباع راہیں خدا دی رحمت دیاں پھملاں نال لوکائی دیاں سوچاں، فکراں تے خیالاں دی کھیتی نوں سیراب کرن دا چارا کیتا اے۔ جیہڑا سلاہن جوگ اے۔



ایس توں پہلے عبدالشکور عزیز ہوراں ”توحیدی کرناں“، ”توحیدی مہکاں“، تے ”مٹھیاں ٹکوراں“ جہیاں کتاباں پنجابی ادب نوں دان کیتیاں ہن۔ ہتھلی کتاب ”توحیدی چمکاں“ وی اوہناں دی عقیدت، محنت تے لگن دا مونہہ بولدا ثبوت اے۔ آس اے کہ ایہہ کتاب وی قارئین نوں پسند آوے گی۔ تے ایہدی روشنی وچ اوہ اپنے عقائد دی اصلاح کرن دا چارا کر کے شاعر دی رب العزت دے حضور سرخ روئی دا موجب بنن گے۔ ساڈی دعا اے کہ عبدالشکور عزیز اپنے قلم راہیں انج ای معاشرے دی دینی اصلاح کردے رہن۔ اللہ سوہنا اسنھاں دیاں کاوشاں نوں قبول عام دیوے تے ایس محنت نوں اسنھاں دی مغفرت دا سامان بنا دے۔ آمین

دعا گو
محمد شریف انجم



چمکارے

”توحیدی چمکاں“ لکھن دی وجہ ایہہ بنی کہ اج دے معاشرے وچ ہر پاسے اکثر لوگ اللہ ذوالجلال دی بغاوت تے نافرمانی کردے ای نظر آندے نیں۔ کوئی سواری تے سوار ہون لگدا اے تے کہندا اے ”یارھی والیا خیر نال بنے لاویں“ کسے پاسیوں آواز آندی اے ”لئے یارھی والے داناں تے ڈبی ہوئی تر جیس گی“ کدھرے آواز آندی اے ”ساڈا عبدالقادر“ قادر“ اے سانوں ہور کسے دی لوڑ ای نہیں“ کوئی مسجد دے اندر کھڑا ہو کے کہہ رہیا اے ”تیرا کھاواں تیرے ای گیت گاواں یا رسول اللہ ﷺ“ کتے حق فرید یا فرید دھیاں صداواں نے۔ کتے یا علیؑ مدد کتے یا رسول اللہ مدد کتے ”یا غوث الاعظم سن لئے ساڈیاں زاریاں“ دیاں پکارا نیں۔ کتے قبریں مزاراں تے سجدے طواف منٹاں چڑھاوے تے نذر نیازاں نیں اور ایہناں غیر شرعی ورد وظیفیاں تو اللہ کریم دیاں مسجدیں وی محفوظ نہیں۔ جہاں مسجدیں دے



بارے اللہ ذوالجلال دا واضح اعلان ایں ”إِنَّ الْمَسَاجِدَ لِلَّهِ وَلَا تَدْعُوا مَعَ اللَّهِ أَحَدًا“ ایہ مسجداں اللہ دیاں نے اور اتھے اللہ اکلے دے نال کسے ہور ٹوں نہ پکارو“ مگر حالات دیکھ کے انج گلد اے جویں اللہ پاک نال لوکاں دا تعلق ای کوئی نہیں رہ گیا۔ ایہہ سارے حالات سامنے دیکھ کے ”توحیدی چمکاں“ لکھن دی ضرورت پیش آئی۔ انج تے ایس توں پہلا اللہ رحیم و کریم دی توفیق نال ”توحیدی کرناں“، ”توحیدی مہکاں“ دے وی کئی ایڈیشن چھپ چکے نیں اور معاشرے دی بد حالی نوں سامنے رکھ کے ”مٹھیاں کلوراں“ کتاب وی کئی واری چھاپے چڑھ چکی اے۔

اللہ ذوالجلال توں پگی امید اے کہ ایہہ کتاب ”توحیدی چمکاں“ وی شرک و بدعت دے گھپ ہنیریاں وچ توحید و سنت دا ”نور منارا“ ثابت ہووے گی۔ انشاء اللہ۔

میں انتہائی مشکور آں بھائی ”علی حیدر“ ہوراں دا جہاں نے آگے داگوں محنت تے لگن نال ”توحیدی چمکاں“ دی کتابت کیتی اے اور بھائی ”ضیاء نعمانی“ ہوراں دا جہاں نے پہلے دی طرح ایس واری وی کتاب ”توحیدی چمکاں“ چھاپن دی سعادت حاصل کیتی اے۔

میں اخیر وچ مشکور آں اپنے بچپن دے ساتھی ملک نعمت اللہ ہوراں دا

جہاں نے مینوں ہور لکھو کہہ کہہ کے ہلہ شیری دتی تے حوصلہ ودھایا۔
میں تمام احباب دا مشکور آں جہاں کتاباں نوں پڑھیا اور پڑھ کے
توحید و سنت دے چانن نال اپنے دلاں نوں منور کیتا۔ اللہ سانوں ساریاں
نوں جنت الفردوس دا ساتھی بنائے اور میرے مرحوم والدین واسطے صدقہ
جاریہ بنائے۔ آمین۔

اگر کوئی تجویز یا کمی کوتاہی ہووے تے ضرور دسیا جے جزاکم اللہ

دعا گو

عبدالشکور خان عزیز

0306-4799759





ساریاں دی اللہ اے پکار سن دا

سندھی وچ بول یا پنجابی وچ بول
 پشتو، بلوچی یا دوآبی وچ بول
 ہندی وچ بول یا بنگالی وچ بول
 چینی یا ملائی پرتگالی وچ بول
 بول انگریزی بھانویں فارسی وچ بول
 اردو سرائیکی یا بناری وچ بول

ساریاں دی اللہ اے پکار سن دا

واری واری نہیں اکو ولد سن دا

کہندا نہیں اوہ ٹھہر جاؤ قصور والیو

پہلوں تسیں بولو پسرور والیو

خاک، ناری، چپ بولو نور والیو

نہ آکھے نیڑے آجاؤ پہلوں دور والیو

لین نہ قطار نہ کوئی توں سکرار

نہ ویلا مخصوص نہ منگل، اتوار

جدوں وی پکار اوہ پکار سن دا
 واری واری نہیں اکو وار سن دا
 کوئی وچ لیہندے یا شمال بول دا
 سعودیہ چج بولے یا بنگال بول دا
 وڈا بولے چھوٹا بھانویں بال بول دا
 بھویں کسے ذہن دا خیال بول دا

اوہ ساریاں دا رب کرے سب نال پیار
 اوہدا کھلا دربار جدوں مرضی پکار
 جھیڑا وی پکارے اوہ پکار سن دا
 واری واری نہیں اکو وار سن دا

اڈے پرندے پئے بنا کے ٹولیاں
 ساریاں نوں اللہ نے سکھایاں بولیاں
 مورکھا توں اجے وی نہیں اکھٹاں کھولیاں
 چھڈ دے ستانیاں ایہہ گلاں پولیاں

اجازتاں دی لوڑ نہ سفارشاں دی لوڑ
 جدوں چاہویں اوہدوں اللہ اگے ہتھ جوڑ
 اللہ کلے نوں پکار اوہ پکار سن دا
 واری واری نہیں اکو وار سن دا

پیٹ وچ بچیاں نوں پال دا اے اوہ
 قدرتاں دے رنگ پیا دکھال دا اے اوہ
 مٹی وچوں ہر شے نکال دا اے اوہ
 جو وی کم کردا کمال دا اے اوہ

اوہ ساریاں دا والی سارا جگ ای سوالی
 اوہدی ذات عالی توں نہ تھاں کوئی خالی
 سب کھڑے دیکھ جھولیاں کھلار سن دا
 واری واری نہیں اِکو وار سن دا

ہر پاسے رب دے تنون دیکھ لئے
 قرآن پڑھ کُنن قِیْکُون دیکھ لے
 نیند وچ رکھیا سکون دیکھ لے
 کوں تیرا بن دا اے خون دیکھ لے

کم سارے اوہ بناوے
 تینوں بولنا سکھاوے
 نُور اگھاں وچ پاوے
 اوہنوں جدوں کوئی بلاوے
 اوہ پکار سن دا
 واری واری نہیں اِکو وار سن دا

رب لاشریک اوہدا جوڑ کوئی ناں
کتے آن جان دی دی لوڑ کوئی ناں
خزائیاں دا مالک اللہ تھوڑ کوئی ناں
سارا ای جہان مئے موڑ کوئی ناں

توں عبدالشکور بہہ جا رب دے حضور
اوہ اے بڑا ای غفور گل سن دا ضرور
بس اونسے نوں پکار اوہ پکار سن دا
واری واری نہیوں اگو وڈر سن دا



ہر پاسے رب دے کمال دِس دے

کئیوں کول اک وی اولاد کوئی ناں
دتی اللہ میٹھی ایہہ مراد کوئی ناں
کیاں تائیں پئے ہوئے جنجال دِس دے
ہر پاسے رب دے کمال دِس دے



گل سیں توں بال تے جوانی آ گئی
نال ای بڑھاپے دی نشانی آ گئی
کالیاں توں ہو گئے چٹے وال دِس دے
ہر پاسے رب دے کمال دِس دے



کئی پہلوان تے شبہ زور دِس دے
کئی لتوں باہوں کمزور دِس دے
چلدے پئے ونگی ٹیڈھی چال دِس دے
ہر پاسے رب دے کمال دِس دے



نکے نکے کیڑے تے پٹنگے چل دے
وکھو وکھ رنگاں وچ رنگے چل دے

ٹرے جانڈے ویکھو پالو پال دس دے
ہر پاسے رب دے کمال دس دے



بے شمار بندے وکھو وکھ شکلاں
دیکھ کے حیران پیاں ہون عقلاں

کالے گورے چٹے کتے لال دس دے
ہر پاسے رب دے کمال دس دے



مخلوق رب دی ہزار قسماں
حد نہ حساب بے شمار قسماں

اعلیٰ انسان باکمال دس دے
ہر پاسے رب دے کمال دس دے



کل سن جیہڑے بادشاہیاں کر دے
رج کے سفیدیاں سیاہیاں کر دے

آئے اج اوہناں تے زوال دس دے

ہر پاسے رب دے کمال دس دے



کے پاسے دتیاں ودھیرے خوشیاں

رات دن صبح تے سویرے خوشیاں

کئی اتھے دُکھاں چ نڈھال دس دے

ہر پاسے رب دے کمال دس دے



بناں ایہہ ستون آسمان تھے نہیں

حد نہ شمار اپنے چوڑے لے نہیں

تارے وچ جڑے پالو پال دس دے

ہر پاسے رب دے کمال دس دے



فصلاں دے اُتے ہریالی دیکھ لے

پھلاں تے سفیدی کتے لالی دیکھ لے

مہکدے نہیں پھل ڈال ڈال دس دے

ہر پاسے رب دے کمال دس دے



کسے پاسے دس دی اُجاڑ ویکھ لو
 کتے اُچے لے نیں پہاڑ ویکھ لو
 کتے مے ٹوئے کتے کھال دس دے
 ہر پاسے رب دے کمال دس دے



کھاندے پے خوراک کئی رنگ رنگدی
 کیاں نوں محال روٹی اک ڈنگدی
 بوہے بوہے کر دے سوال دس دے
 ہر پاسے رب دے کمال دس دے



کئی اتھے ماڑے تے فقیر دس دے
 کئی حدوں ودھ نے امیر دس دے
 راہِ اللہ لائی جانڈے مال دس دے
 ہر پاسے رب دے کمال دس دے



اڈ دے پکھیرو مار دے اڈاریاں
 پانی وچ مچھیاں نے لین تاریاں

مچھیرے وچ سٹ دے پئے جال دس دے
ہر پاسے رب دے کمال دس دے



کمال اوہدے عبدالشکور وکھ لئے
اکھاں وچ دتا تینوں نور وکھ لئے
شعر تیرے ذہن دے خیال دس دے
ہر پاسے رب دے کمال دس دے



دو چیزاں

آقا ﷺ نے چیزاں دو دیتیاں قرآن تے سُنّت پیاری
 ایہہ اصل سلیبس مسلم دا ہن کر لو خوب تیاری
 ایہہ دین بے خالص اللہ دا کوئی کولوں گل بنانی نہیں
 قرآن حدیث بے کول ہووے کسے ہوردی گل اپنانی نہیں
 ایہہ خاص وصیت کیتی سی آقا ﷺ نے جاندی واری
 آقا ﷺ نے چیزاں دو دیتیاں قرآن تے سُنّت پیاری



جو کولوں گل بناوے گا تے سُنّت توں کتر اوے گا
 اوہوں آقا ﷺ بدعتی آکھیا اے اوہ سِدّہا جہنم جاوے گا
 نہ میں اوہداں نہ اوہ میرا ایہہ کہیا محبوب ﷺ باری
 آقا ﷺ نے چیزاں دو دیتیاں قرآن تے سُنّت پیاری



ایہہ دین مکمل اللہ دا اس دین تے اللہ راضی اے
 جو فریا راہ محمد ﷺ دی اوہ سمجھو جت گیا بازی اے

لا لو دین محمدی سینے چھڈ دیو ازم بزاری
آقا ﷺ نے چیزاں دو دتیاں قرآن تے سُنّت پیاری



اوہ مومن کدے نہیں ہو سکد ایہہ آقا ﷺ نے فرمایا اے
جو میرے دین تے چلے نہ جو اللہ پاک عطایا اے
ایہہ کھول کے سب نوں دس دتی اے حال حقیقت ساری
آقا ﷺ نے چیزاں دو دتیاں قرآن تے سُنّت پیاری

نبی ﷺ دی زندگی اُسوۂ حسنہ دنیا دے انساناں لئی
رحمت بن کے آئے نے میرے آقا ﷺ کل جہاناں لئی
ہن سُنّت چھڈ کے آقا ﷺ دی نہیں بدعت کرنی جاری
آقا ﷺ نے چیزاں دو دتیاں قرآن تے سُنّت پیاری

ایہہ خاص سلیبس مسلم دا ہن کر لو خوب تیاری
آقا ﷺ نے چیزاں دو دتیاں قرآن تے سُنّت پیاری



جنت لہدے پھر دے نیں

اللہ دے نال شرک کما کے جنت لہدے پھر دے نیں
 کولوں وکھرا دین بنا کے جنت لہدے پھر دے نیں
 اللہ دے قرآن نوں بھل کے
 آقا ﷺ دے فرمان نوں بھل کے
 رب دے ساہویں جان نوں بھل کے
 غیراں اگے سیس نوا کے جنت لہدے پھر دے نیں
 کولوں وکھرا دین بنا کے جنت لہدے پھر دے نیں



پاک نبی ﷺ فرمان سناوے
 جو میری سنت اپنا دے
 نال میرے اوہ جنت جاوے
 ایہہ سنت توں جان چھڑا کے جنت لہدے پھر دے نیں
 کولوں وکھرا دین بنا کے جنت لہدے پھر دے نیں



کچی قبر نہیں ٹساں بنانی
ایہہ فرمایا نبی ﷺ حقانی
نہ کوئی رکھنی خاص نشانی

ایہہ اُتے تے بنوا کے جنت لہدے پھر دے نیں
کولوں دکھرا دین بنا کے جنت لہدے پھر دے نیں



ایہہ قبراں تے عرس کراون
تھرے کتجر بھنڈ نچاوان
چرسی بھر بھر سوئے لاون

قبراں اُتے بھنگڑے پا کے جنت لہدے پھر دے نیں
اللہ دے نال شرک کما کے جنت لہدے پھر دے نیں



غیر اللہ دیاں نذراں دیندے
جا کے اُتے قبراں دیندے
دُھر درگاہ دیاں خبراں دیندے

جھوٹھے ایویں ڈُپھر بنا کے جنت لہدے پھر دے نیں
کولوں دکھرا دین بنا کے جنت لہدے پھر دے نیں



اللہ و تے مول نہیں آندے
 مریاں اگے ترے پاندے
 قبر نوں نئی گھنٹی جانڈے
 مویاں اگے ٹھوٹھے ڈاہ کے جنت لبھدے پھر دے نیں
 اللہ دے نال شرک کما کے جنت لبھدے پھر دے نیں



پاک نبی ﷺ دیاں سنتاں چھڑ کے
 کولوں نویاں رساں کڈھ کے
 بدعتاں والے جھنڈے گڈ کے
 ٹھٹ کے شرک نوں جھپاپا کے جنت لبھدے پھر دے نیں
 کولوں وکھرا دین بنا کے جنت لبھدے پھر دے نیں



خوڑے کدھر گتیاں عقلاں
 دکھو دکھ بنا کے شکلاں
 جھنڈاں والیاں کر کے نقلاں
 ہتھ ابلیس دے ہتھ پھڑا کے جنت لبھدے پھر دے نیں
 اللہ دے نال شرک کما کے جنت لبھدے پھر دے نیں





اک نہیں کم حلالی کر دے
 سارے جتن خیالی کر دے
 اُتے عرس قوالی کر دے
 رب رسول ﷺ دے حکم بھلا کے جنت لہندے پھر دے نہیں
 کولوں وکھرا دین بنا کے جنت لہندے پھر دے نہیں



ساتا چالہیا کدھرے قتل اے
 دتا پھڑکے جتھ پڑل اے
 ایہہ ملوانیاں لایا نل اے
 گمراہی دے رستے پا کے جنت لہندے پھر دے نہیں
 کولوں وکھرا دین بنا کے جنت لہندے پھر دے نہیں



یارھویں کدھرے کتے میلاد اے
 روز دیہاڑے نویں ایجاد اے
 وکھو وکھ پئے لین سواد اے
 کولوں وکھری ڈاک چلا کے جنت لہندے پھر دے نہیں
 اللہ دے نال شرک کما کے جنت لہندے پھر دے نہیں



دین دے وچ ملاوٹ کر کے
 اُتوں خوب سجاوٹ کر کے
 کولوں نویں بناوٹ کر کے
 جھوٹھ فریب دے پردے پا کے جنت لہدے پھر دے نیں
 کولوں وکھرا دین بنا کے جنت لہدے پھر دے نیں



اللہ باہجوں طاقت کوئی ناں
 کرے جو پوری حاجت کوئی ناں
 ٹالے آئی آفت کوئی ناں
 ایہہ ہوراں نوں رب بنا کے جنت لہدے پھر دے نیں
 اللہ دے نال شرک کما کے جنت لہدے پھر دے نیں



قبراں اُتے دیوے بالن
 آکھن بابے مشکل ٹالن
 بھیر پوے تے خوب سنبھالن
 اپنا دین ایمان گوا کے جنت لہدے پھر دے نیں
 اللہ دے نال شرک کما کے جنت لہدے پھر دے نیں



جھوٹے جھوٹے لڑایاں لڑ دے
 روز نواں ایہہ مسئلہ گھڑ دے
 رب دی اک نماز نہیں پڑھدے
 جمعرات نوں ختم دوا کے جنت لہدے پھر دے نیں
 کولوں وکھرا دین بنا کے جنت لہدے پھر دے نیں



بدعتاں جاری کیتی جاندے
 وڑدے وچ پلیتی جاندے
 من مرضی دی نیتی جاندے
 پنج ایصال ثواب بنا کے جنت لہدے پھر دے نیں
 کولوں وکھرا دین بنا کے جنت لہدے پھر دے نیں



کیہ ایہہ پھر دے ٹھگ بنا کے
 دکھو وکھری پگ بھنا کے
 اپنے اپنے وگ بنا کے
 آتے رنگ نشانی لا کے جنت لہدے پھر دے نیں
 کولوں وکھرا دین بنا کے جنت لہدے پھر دے نیں



توحیدی چمکال

۳۳

کینیاں ایں سرکاراں بنیاں
 اک نئی کئی ہزاراں بنیاں
 تک کھمباں دیاں ڈاراں بنیاں
 مگرمی اپنا مکر دکھا کے جنت لہندے پھر دے نیں
 اللہ دے نال شرک کما کے جنت لہندے پھر دے نیں




لائے تنبو دیکھ قناتاں
 اپنے ولوں پڑھدے نعتاں
 ساریاں شرکی کردے باتاں
 رب دیاں صفتاں پیرج پا کے جنت لہندے پھر دے نیں
 اللہ دے نال شرک کما کے جنت لہندے پھر دے نیں



نویں درود صلاتاں نویاں
 کڑھ کڑھ دسن باتاں نویاں
 لا لا بہندے گھاتاں نویاں
 مگراہی دے جال وچھا کے جنت لہندے پھر دے نیں
 اللہ دے نال شرک کما کے جنت لہندے پھر دے نیں





جنت نیکو کاراں لئی اے
 نبی ﷺ دے تابعداراں لئی اے
 مومن روزے داراں لئی اے
 مشرک باہر مستیوں جا کے جنت لہندے پھر دے نیں
 اللہ دے نال شرک کمانکے جنت لہندے پھر دے نیں
 کولوں وکھرا دین بنا کے جنت لہندے پھر دے نیں



عبدالشکور خان عزیز دیاں کتاباں ”توحیدی کرناں“،
 ”توحیدی مہکاں“، ”مٹھیاں ٹکوراں“، ”توحیدی
 چمکاں“ اینہھاں تھاواں تو مل سکدیاں نیں۔
 ① نعمانی کتب خانہ حق سٹریٹ اردو بازار لاہور۔
 ② طیبہ واچ ہاؤس اندرون دروازہ کوٹ بدر دین قصور۔
 ③ جامع مسجد ”اللہ اکبر“ اہل حدیث اٹھیل پور ضلع قصور

0306-4799759

اللہ دیاں یاداں وچ رہ

ہر ویلے اللہ دیاں یاداں وچ رہ
جو کجھ کہنا ایں تو اللہ نوں ای کہہ
اللہ نوں پکار اللہ سمج تے بصیر
دلاں دیاں جانے اوہ علیم تے خبیر
جدوں لوڑ پوے اوہدا بوہا مل بہہ
ہر ویلے اللہ دیاں یاداں وچ رہ



پیدا اوہنے کیا اے تے پالدا دی اوہ
آوے تکلیف جدوں ٹالدا دی اوہ
دُکھ پریشانی آوے ہس ہس سہہ
ہر ویلے اللہ دیاں یاداں وچ رہ



ہر ویلے منگ اک اللہ دی پناہ
سارا ای جہان قانی اللہ نوں بقا

رب جہوے بن دے سی مٹی زل گئے

ہر ویلے اللہ دیاں یاداں وچ رہ



لینا جے سکون اک رب نوں پکار

جھولی آڈ اوہدے اگے عرضاں گزار

کڈھ توں لکیراں اوہدے در آتے ڈھیہ

ہر ویلے اللہ دیاں یاداں وچ رہ



سارا ای جہان گلے رب دی جاگیر

اوہدے باجوں ہور کوئی نہیں دنگیر

پڑھ کے قرآن توں بھٹلیکھا کڈھ لے

ہر ویلے اللہ دیاں یاداں وچ رہ



لگھاں دے حساب نال آئے نیں رسول

ساریاں پیغمبراں دا اکو ای اصول

اللہ باجوں ہور کوئی نہیں ایہو گہندے رہ

ہر ویلے اللہ دیاں یاداں وچ رہ



اللہ باہجوں کیہڑا سُنے تیری فریاد
کر سکے ہور کوئی نہ تیری امداد

رب دے محبوب ﷺ سچی گل دتی کہہ
ہر ویلے اللہ دیاں یاداں وچ رہ



یاد کر رب نوں اوہ تینوں کرے گا
رحمتاں دے نال تیری جھولی بھرے گا

ہووے گا اوہ راضی جدوں کول اوہدے گئے
ہر ویلے اللہ دیاں یاداں وچ رہ



میرے اللہ پاک دے اشارے چل دے

میرے اللہ پاک دے اشارے چل دے
اشاریاں تے دن رات سارے چل دے



جدوں آکھے ہو جا اوسے ویلے جاندا ہو
جنہوں آکھے ٹھہر جا اوہ جاندا اے کھلو


چن سورج دیکھ کویں تارے چل دے
میرے اللہ پاک دے اشارے چل دے



واحد لا شریک کھلی ذات رب دی
کن فیکون اے صفات رب دی

اوپرے اگے کسے دے نہیں چارے چل دے
میرے اللہ پاک دے اشارے چل دے





ساری اے خدائی اوہدی پالدا وی اوہ
 دکھ تکلیفاں سھے نالدا وی اوہ
 اوہدے اُتے سب دے گزارے چل دے
 میرے اللہ پاک دے اشارے چل دے



زمین پئی اے کڈھ دی ہزار چٹھے
 کوڑے مٹھے کھارے بے شمار چٹھے
 بدلاں دے وچوں پئے فوارے چل دے
 میرے اللہ پاک دے اشارے چل دے



جن دیوے روشنی بگاوے بتیاں
 کڈھدا اے سورج شعاداں بتیاں
 حکم دے بدھے پئے نے سارے چل دے
 میرے اللہ پاک دے اشارے چل دے



اللہ اگے دم کوئی نہیں مار سگدا
 اوہدے اگے عرض ای گزار سگدا

نبی اوہدے من کے اشارے چل دے
اشاریاں تے دن رات سارے چل دے



میرے اللہ پاک دے اٹل فیصلے
جدوں چاہوے ہون اوسے پل فیصلے
بھٹھی بھٹھی اوتھے نہیوں لارے چل دے
میرے اللہ پاک دے اشارے چل دے



منگو سارے رب کولوں تھوڑ کوئی ناں
کتے آن جان دی وی لوڑ کوئی ناں
ایہو دن رات پئے پکارے چل دے
میرے اللہ پاک دے اشارے چل دے



سُنّت چھڈ کے لیناں کیہ

سُنّت نبی ﷺ دی جھڈی جنھے رب توں اوہنے لیناں کیہ
دعوے کرنے گل نہ منی ایہہ تے سدھی چار سو ویہ



رفع یدین نبی ﷺ دی سُنّت کہندے نے پر گردے نہیں
سورۃ فاتحہ پڑھنی لازم پر کئی کلمے پڑھدے نہیں
آمین اُچی کہنا سُنّت ایہہ نظر اں دھر دے نہیں

سُنّت سگوں چھڑاؤن لئی ایہہ وکھری پاڑی پھر دے لیہہ

سُنّت نبی ﷺ دی جھڈی جنھے رب توں اوہنے لینا کیہہ



سُنّت نوں اپنا دے جیہڑا اوہنوں بُریاں کہندے نیں
آپ عمل ایہہ کردے نہیں جو کرے لڑائیاں لیندے نیں
کولوں مسئلے کڈھ کڈھ بدعتاں جاری کردے رہندے نیں

بدعتی دا اسلام دے اندر جھٹ نہیں جے رقی وی

سُنّت نبی ﷺ دی جھڈی جنھے رب توں اوہنے لینا کیہہ



کئی کلمے تے سُنّت کولوں منہ ایں موڑی پھر دے نیں
 دھکے دے نال اہلسُنّت نسبت جوڑی پھر دے نیں
 من مرضی نوں دین بنا کے خوب مروڑی پھر دے نیں
 ساریاں ضداں بھل جاوَن گے جدوں حشر نوں پینی مہیہ
 سُنّت نبی ﷺ دی جھڈی جنھے رب توں اوہنے لینا کیہہ



پاک نبی ﷺ فرمایا میری سُنّت جو اپناوے گا
 سُنّت زندہ کر کے رُتہ سو شہید دا پاوے گا
 حشر نوں میرا ساتھی بن کے جنت دے وچ جاوے گا
 ساتھ نبی ﷺ دال جائے جنھوں ہور بنی اوہنے لینا کیہہ
 سُنّت نبی ﷺ دی جھڈی جنھے رب توں اوہنے لینا کیہہ



میرے نال تعلق کوئی نہیں سُنّت جھڈن والے دا
 سُنّت جھڈ کے شرک بدعت دے جھنڈے گڈن والے دا
 بدعت گھر لیا کے گھر چوں سُنّت کڈھن والے دا
 آج ای ویلا سُنّت اُتے عمل کما لئے بھر کے جی
 سُنّت نبی ﷺ دی جھڈی جنھے رب توں اوہنے لینا کیہہ



عمل مطابق سنت جہڑا اوہنے ای درجہ پانا ایں
سنت نہیں تے عمل وڈیرا اتھے ای رہ جانا ایں
نہ تکلنا نہ کم ای اونا آخر پیا پچھتانا ایں

میں اوہدا نہ اوہ میرا ایہہ آقا ﷺ نے فرمایا سی
سنت نبی ﷺ دی جھڈی جنھے رب توں اوہنے لینا کیہہ



بے عقلی دی حد ای مٹھی اجر ٹھہرایا رساں نوں
سنتاں جھڈ کے پاک نبی ﷺ دیاں گل نال لایا رساں نوں
آج کل ایہناں فرضاں نالوں ودھ بنایا رساں نوں

اُونوں دے وچ رچیاں رساں جیوں پنڈے وچ وڈ جائے رتھ
سنت نبی ﷺ دی جھڈی جنھے رب توں اوہنے لینا کیہہ
دعوے کرنے گل نہ منی ایہہ تے سدھی چار سو ویہہ



ہر گل کھول کے حضور ﷺ دس گئے

ہر گل کھول کے حضور ﷺ دس گئے

رب نے جو وہی اوہ ضرور دس گئے

ہر گل وہی اوہناں کھول کھول کے

مٹھری زبان وچوں بول بول کے

دین والا فہم تے شعور دس گئے

ہر گل کھول کے حضور ﷺ دس گئے



کھول کھول دین تے ایمان دیا

پڑھ پڑھ رب دا قرآن دیا

زندگی دا سارا دستور دس گئے

ہر گل کھول کے حضور ﷺ دس گئے



لاؤ سینے رب دا قرآن گھٹ کے

سٹ دیو شرک دیاں جڑاں پٹ کے

بدعتاں توں رہنا تسیں دور دس گئے
ہر گل کھول کے حضور ﷺ دس گئے



شیطان کولوں رہنا تسیں پنج پنج کے
بھانویں ایہہ دکھاوے کتاں پنج پنج کے
پانے اپنے دین پنج فتور دس گئے
ہر گل کھول کے حضور ﷺ دس گئے



سانوں ایہہ حدیث تے قرآن دتا اے
نسخہ ایہہ نبی ﷺ سلطان دتا اے
ایہناں وچ روشنی تے نور دس گئے
ہر گل کھول کے حضور ﷺ دس گئے



پہلیاں جو قوماں تے عذاب آئے سی
رب دے رسول اوہناں جھٹھلائے سی
جہڑے اوہناں کہتے سی قصور دس گئے
ہر گل کھول کے حضور ﷺ دس گئے



۴۷ توحیدی چمکاں

جہا بندہ رب دا قرآن من لئے
 آقا ﷺ دا جو سچا فرمان من لئے
 ننگھے پل صراتوں پہلے پور دس گئے
 ہر گل کھول کے حضور ﷺ دس گئے
 ✦✦✦

قبراں چوں سب نوں اٹھایا جاوے گا
 رب دے حضور بنی پچایا جاوے گا
 عملاں نے تھلنا ضرور دس گئے
 ہر گل کھول کے حضور ﷺ دس گئے
 ✦✦✦

دین وچوں بدعتی ضلال نکلے
 ننگھے آئے وچوں جویں وال نکلے
 دین وچوں بدعتی جے دُور دس گئے
 ہر گل کھول کے حضور ﷺ دس گئے
 ✦✦✦

نعمتاں اوہ جتاں دے وچ چُنیاں
 اکھاں نال ویکھیاں نہ کنیں سنیاں
 پین لئی شراب جے طہور دس گئے

ہر گل کھول کے حضور ﷺ دس گئے



باغی ہونے رب دے خراب بڑے نیں
مکراں لٹی اگ دے عذاب بڑے نیں

بڑا وڈا اگ دا تندور دس گئے
ہر گل کھول کے حضور ﷺ دس گئے



جنتاں دے باغ نیکو کاراں واسطے
من لین والے تابعداراں واسطے

جنتاں دے عیش تے سرور دس گئے
ہر گل کھول کے حضور ﷺ دس گئے



جہاں پایا رب نال پیار ہووے گا
اوہناں تائیں رب دا دیدار ہووے گا

دودھ جائے گا چہریاں تے نور دس گئے
ہر گل کھول کے حضور ﷺ دس گئے



شانِ صحابہ رضوان اللہ علیہم اجمعین

ہے شانِ بلند صحابہؓ دا، اسلام دے نُور منارے نیں
جہاں من کے حکم پیغمبر ﷺ دا تن من اسلام توں وارے نیں



قرآن گواہی دیندا اے رحمان گواہی دیندا اے
پیا کی مدنی آقا ﷺ دا فرمان گواہی دیندا اے
رضی اللہ عنہم آکھ کے تے چک دتے پردے سارے نیں
ہے شانِ بلند صحابہؓ دا اسلام دے نُور منارے نیں



اوہ خاص شاگرد پیغمبر ﷺ دے اوہ واقف باہر اندر دے
اوہ سمجھ اشارہ آقا ﷺ دا، ٹھہل جان دے وج سمندر دے
آرے نال جسم چاندے نے کتے سولی لین ہلارے نیں
ہے شانِ بلند صحابہؓ دا اسلام دے نُور منارے نیں



پیکر بوبکرؓ صداقت دا، ول دسیا عمرؓ عدالت دا
مشہور سخی عثمانؓ غنی، علیؓ شیر سالار شجاعت دا

جہاں دی عظمت دے چرچے پے کر دے دیکھ پارے نیں
ہے شان بلند صحابہؓ دا اسلام دے نور منارے نیں



جتنے گھڑے لہنہاں دے چر دے سن دشمن نہیں بھوہ وچ ڈر دے سن
ایناں سی رعب صحابہؓ دا، پئی لاش توں دشمن ڈر دے سن

اسلام دی غیرت بن کے تے اوہناں نے وقت گزارے نیں
ہے شان بلند صحابہؓ دا اسلام دے نور منارے نیں



کراں صفت کیہ بیان پیاراں دی، اسلام دے جان نثاراں دی
قرآن دے خدمتگاراں دی، سوہنے آقا ﷺ دے حب واراں دی

انج محفل سجدی یاراں دی، جو یں چن دے گرد ستارے نیں
ہے شان بلند صحابہؓ دا اسلام دے نور منارے نیں



پچھان دے ای نہیں

اُنھے عقلاں دے رب نوں پچھان دے ای نہیں
جویں جانا سی قدر اوہدا جان دے ای نہیں

ایہہ آکھدے فلانا پیڑے تار دیندا اے
یارھی دیئے نہ تے منجھے کر مار دیندا اے

ہن دسو بھلا منکر ایہہ قرآن دے ای نہیں
اُنھے عقلاں دے رب نوں پچھان دے ای نہیں



پیدا کیتا اللہ جگ نوں تے پالدا وی اوہ
آن دُکھ تکلیفاں جدوں نالدا وی اوہ

ہور مالک تے نفعے نقصان دے ای نہیں
اُنھے عقلاں دے رب نوں پچھان دے ای نہیں



جا کے قبریں توں کملے اولاداں منگ دے
جہڑے سُن دے نہیں اوہناں توں مُراداں منگ

دے

سچ جانو تے ایہہ کم انسان دے ای نہیں
اَنھے عقلاں دے رب نوں پچھان دے ای نہیں

◆◆◆

لے قبریں تے پئے کے ایہہ لکیراں کڈھ دے
ڈھائیں مار مار روندے جھہ نہیوں چھڈ دے

ایہناں نالوں ودھ گندے بنی جہان تے ای نہیں
اَنھے عقلاں دے رب نوں پچھان دے ای نہیں

◆◆◆

غیر اللہ دیاں نذراں نیازاں دیندے نیں
سوواں میلاں توں ایہہ سویاں نوں آوازاں دیندے نیں

اوہناں تائیں ایہہ پکارن جہڑے جان دے ای نہیں
اَنھے عقلاں دے رب نوں پچھان دے ای نہیں

◆◆◆

ایہہ کم سارے اُروں پدروں سنا لیندے نیں
جدوں لوڑ پوے سویاں نوں پکار لیندے نیں

کَلّا رب وچ لہنہاں دے دھیان دے ای نہیں
اَنھے عقلاں دے رب نوں پچھان دے ای نہیں



گئے بدّل تے نعرہ ایہہ فرید مار دے
ایڈے ظالم نے رب نوں ایہہ نہیں پکار دے

چھتے آندے ایہناں تائیں مرجان دے ای نہیں
اُنھے عقلاں دے رب نوں پچھان دے ای نہیں



گلاں کر دے نے انج جیوں لطیفے ہندے نیں
ہر ویلے غیر اللہ دے وظیفے ہندے نیں

جہڑے مومنّاں لئی سُنن سُنان دے ای نہیں
اُنھے عقلاں دے رب نوں پچھان دے ای نہیں



جان لئی مزاراں اُتے سدا رہن تھر دے
حاجی جویں حج لئی سامان چک ٹر دے

چھتے ایہناں نوں مسیت وّل آن دے ای نہیں
اُنھے عقلاں دے رب نوں پچھان دے ای نہیں



ایہہاں داتے ہور پیر تے فقیر لہ لے

اک رب دی تھاں کنے دنگیر لہ لے

بھلا چیلے پھیر کوں ایہہ شیطان دے ای نہیں

اَنھے عقلاں دے رب نوں پچھان دے ای نہیں



پے غلامی ءرسول ﷺ دے ایہہ دعوے کر دے

پر سُنّت آ لے پاسے نہیں نظر دھر دے

باغی سُنّتاں دے، گلے ایہہ قرآن دے ای نہیں

اَنھے عقلاں دے رب نوں پچھان دے ای نہیں



نہیں قل، ساتے، چاہے توں مَلاں رجے نہیں

سگوں یارہی، میلے، عرس تے میلاد کڈھے نیں

بھلا دسو ایہہ مصالحو سارے کھان دے ای نہیں

اَنھے عقلاں دے رب نوں پچھان دے ای نہیں



بھیڑے ڈھڈ دے لئی دین نوں خراب کر دے

کم سارے ایہہ پتے باعثِ عذاب کر دے

نالے آکھی جاندے ساڈے نقصان دے ای نہیں

اَنھے عقلاں دے رب نوں پچھان دے ای نہیں



کھاندے رب داتے ہوواں نوں پکار دے نے ایہہ
جان اپنی تے ظلم گزار دے نے ایہہ
منصوبے تک ڈوب مر جان دے ای نہیں
اَنھے عقلاں دے رب نوں پچھان دے ای نہیں



بے وقوفی والی کر ایہہ کمال دیندے نیں
جدوں رب نال ڈی سی دی مثال دیندے نیں
کوہڑے دل وی جھوٹھے ایہہ زبان دے ای نہیں
اَنھے عقلاں دے رب نوں پچھان دے ای نہیں



اللہ خالق تے مالک قدیر دوستو
سب جان دا اے سمج تے بصیر دوستو
قدر ایہہاں تائیں اللہ سبحان دے ای نہیں
اَنھے عقلاں دے رب نوں پچھان دے ای نہیں



اللہ تیرا کوئی شریک تیری ذات وچ نہیں

اللہ تیرا کوئی شریک تیری ذات وچ نہیں
کم کار کسے وچ گل بات وچ نہیں



کارخانہ ایہہ جہان دا بنایا گلے تُوں
جویں پھدا سی ادنویں ای پھبایا گلے تُوں
ہصہ کسے دا وی بھورا کائنات وچ نہیں
اللہ تیرا کوئی شریک تیری ذات وچ نہیں



پیا گلا تُوں چلاویں تیرے گلے دا نظام
کتے شام وچوں صبح کتے صبح وچوں شام
ملن دیندا کدے دن نوں توں رات وچ نہیں
اللہ تیرا کوئی شریک تیری ذات وچ نہیں



سورج دیندا اے شعاواں کتے چلن ہواواں
چن چاننی کھلا رے راہی لہہ لین راہواں

صفتاں ہندیاں بیان بیانات وچ نہیں
اللہ تیرا کوئی شریک تیری ذات وچ نہیں



تندرستی عطاویں توں ایس ساہواں لوں چلاویں
توں ایس زندگی ودھاویں توں ایس موت نوں گھلاویں

وَس کسے دا وی موت تے حیات وچ نہیں
اللہ تیرا کوئی شریک تیری ذات وچ نہیں



کوئی اُچی کرلاوے کوئی ہولی جیا بلاوے
کوئی جتھے ہووے او تھے تینوں عرضاں سناوے

فرق پیندا اللہ تیری کوئی سماعت وچ نہیں
اللہ تیرا کوئی شریک تیری ذات وچ نہیں



بندہ کرے عرضوئی وچ سجدے دے پئے
دھکے نال تیرے کولوں کوئی سکدا نہیں لئے

کتھوں لوے گا جو کیتا توں برات وچ نہیں
اللہ تیرا کوئی شریک تیری ذات وچ نہیں



چارہ میل کے ایہہ سارا ای جہان کر دے
توں نفع دیویں کوئی نقصان کر دے

ایسا وچ انساناں تے جنات وچ نہیں
اللہ تیرا کوئی شریک تیری ذات وچ نہیں



عمل نبی ﷺ نے جو دسے اوہ قبول ہندے نیں
ایویں کولوں جے بنائیے تے فضول ہندے نیں

جہڑے عمل تیرے نبی ﷺ دی اطاعت وچ نہیں
اللہ تیرا کوئی شریک تیری ذات وچ نہیں



اللہ کسے وچوں توں نہ کوئی تیرے وچوں ہور
ایویں نور وچوں نور کہہ کے جھوٹا پاندے شور

صحیح حدیث تے قرآن دی آیات وچ نہیں
اللہ تیرا کوئی شریک تیری ذات وچ نہیں



ایویں خوابی تے خیالی قصے دی جانڈے نیں
قرآن تے حدیث کولوں نئس جانڈے نیں

اوہ آکھدے جو اینہاں دی اوقات وچ نہیں
اللہ تیرا کوئی شریک تیری ذات وچ نہیں



ایویں ضدّال وچ آکے ڈھڈ مار دے نے پئے
حکم رب تے رسول ﷺ دے وسار دے نے پئے

سورۃ فاتحہ ایہہ پڑھدے جماعت وچ نہیں
اللہ تیرا کوئی شریک تیری ذات وچ نہیں





لوکاں دی اے مت ماری

لوکاں دی اے مت ماری ظلم پئے گزار دے
شاہ رگ توں نیڑے اللہ اوہنوں نہیں پکار دے



اوہناں نوں پکارن جہڑے سن دے نہ بول دے
بولنا تے دور اوہ تے لب وی نہیں کھول دے
ایویں جھلے پھیرے لئی جان دے نے مزار دے
شاہ رگ توں نیڑے اللہ اوہنوں نہیں پکار دے



موت جدوں آ جائے اوہ نہیں بولدے سیاہن دے
جھلے انکار کیتی جان دے نے قرآن دے
اتھے بیٹھے ایویں دُور و اجاں پئے نے مار دے
شاہ رگ توں نیڑے اللہ اوہنوں نہیں پکار دے



جہڑے ایتھوں ٹر جاندے مڑ کے نہیں آوندے
 سن دے اوہ کسے دی نہ اپنی سناوندے
 ایہہ کہندے جمعراتیں پھیرا ٹورا مار دے
 لوکاں دی اے مت ماری ظلم پئے گزار دے



دس فٹ تھلے بابا اتوں گھٹی جاندے نیں
 دیکھو دیکھی اُنھے واہی ایویں جٹی جاندے نیں
 لکھ سمجھائیے اُنھے ضدوں نہیوں ہار دے
 شاہ رگ توں نیڑے اللہ اوہنوں نہیں پکار دے



کئی کسلے منڈے دی جج جاں چڑھاندے نیں
 جان لگے قبر نوں سلوٹ مار جاندے نیں
 خیریں خیریں آئیے بابا نذراں گزار دے
 شاہ رگ توں نیڑے اللہ اوہنوں نہیں پکار دے



آکے پھیر دوہٹی لاڑا چڈراں پئے چاہڑ دے
 مال تے ایمان کوں اپنا اُجاڑ دے
 من کے جو گئے سی اوہ نذراں اُتار دے
 شاہ رگ توں نیڑے اللہ اوہنوں نہیں پکار دے



شیطان پچھے لگے کے دہائی پائی جاندا اے
 خیریں بکبا لئے گیا تے خیریں باہے آندا اے
 اُتھے ویکھو اُتھے کھوہ اناں کوں مار دے
 شاہ رگ توں نیڑے اللہ اوہنوں نہیں پکار دے



اللہ اگے دم کوئی مار نہیں سکدا
 اللہ دتھوں ڈوبے کوئی تار نہیں سکدا
 ہر چیز اُتے قبضے اللہ مختار دے
 لوکاں دی اے مت ماری ظلم پئے گزار دے



کدوں تک ضدی انج آکڑاں وکھان گے
اکتھاں گیاں میٹیاں تے بھیت کھل جان گے

پیش جدوں ہوئے اللہ پروردگار دے
لوکاں دی اے مت ماری ظلم پئے گزار دے



شاہ رگ توں نیڑے اللہ اوہنوں نہیں پکار دے
لوکاں دی اے مت ماری ظلم پئے گزار دے



عقلوں ویہلے

دیکھو کئے عقلوں ویہلے، ہوش گوائی پھر دے نیں
رب دیاں صفتاں ایہہ اوہدی مخلوق ج پائی پھر دے نیں



کھل کھلا کے کہندے نے ایہہ بابا سب کجھ دیندا اے
مریا نہیں ایہہ ایویں دیا سب کجھ تھلیوں ویندا اے
مریاں کولوں لوکاں نوں ایہہ کویں ڈرائی پھر دے نیں
دیکھو کئے عقلوں ویہلے ہوش گوائی پھر دے نیں



آنھے واہی غیر اللہ دے بکرے چھترے چاہڑن پئے
پلے مجاور ڈھڈ وَسْتَتے کھا کھا مال اُجاڑن پئے
بھنگی چرسی ”علی علی“ دے ورد پکائی پھر دے نیں
دیکھو کئے عقلوں ویہلے ہوش گوائی پھر دے نیں



علیٰ ہندا ہے اچھے پھڑ کے چنگا سبق سکھاندا اوہ
مار مار کے چھتر سر وچ نشے لہنہاں دے لاہندا اوہ

علیٰ نہیں اچھے تاہیوں ظالم اٹھ چائی پھر دے نیں
دیکھو کئے عقلوں ویہلے ہوش گوائی پھر دے نیں



اشرف رب بنایا ایہہ دربار دے کتے بن دے نیں
نانگے پیرتے دڑی شاہ سرکار دے کتے بن دے نیں

بوٹا جو یں پوکاٹ دا ایہہ بودی لکائی پھر دے نیں
دیکھو کئے عقلوں ویہلے ہوش گوائی پھر دے نیں



مریاں کولوں کنناں ڈردے اللہ کولوں ڈردے نہیں
وچ مسیخت نہیں جان دے دربار توں نانہ کردے نہیں

جمعرات نوں مانگت بن کے گلایاں گا ہی پھر دے نیں
دیکھو کئے عقلوں ویہلے ہوش گوائی پھر دے نیں



ذہن بنایا جہلاں رب توں بابا سب کجھ لئے دیگا
 ساڈے دل دیاں بابا جانے آپیں رب توں کہہ دیگا
 ایسے چال شیطانی پچھے رب بھلائی پھر دے نیں
 ویکھو کئے عقلوں و پہلے ہوش گوائی پھر دے نیں



اللہ باجوں حال دلاں دے ہور تے کوئی جانے ناں
 دل دیاں گلاں اللہ باجوں ہور تے کوئی پچھانے ناں
 اللہ نیڑے شہہ رگ توں ایہہ دور بنائی پھر دے نیں
 ویکھو کئے عقلوں و پہلے ہوش گوائی پھر دے نیں



اللہ باجوں مالک لوکو کوئی نفعے نقصان دے نہیں
 ہر شے اُتے قادر اللہ پر ایہہ مشرک جان دے نہیں
 کھا کے نعمتاں رب دیاں ناں ہور دے لائی پھر دے نیں
 ویکھو کئے عقلوں و پہلے ہوش گوائی پھر دے نیں



مر جئے جہڑا حشر تیکر اوہ نہیں ہنگارا دے سکدا
 بے سہارا ہو کے تہانوں کویں سہارا دے سکدا
 ضدی ضدال دے وچ پے کے وچ گراہی پھر دے نیں
 دیکھو کئے عقلوں و پہلے ہوش گوائی پھر دے نیں



وچ بغداد دے پیر جیلانی رحمۃ اللہ علیہ ایستھوں واجاں مارن پے
 اجیری، ہجو یوی کدھرے ہور وی نام پکارن پے
 فوت ہوئے نہیں سن دے دھکے نال سنائی پھر دے نیں
 دیکھو کئے عقلوں و پہلے ہوش گوائی پھر دے نیں



دعوے کر دے اکھاں میٹ کے چلے مدینے جانے آں
 موجاں لگیاں ہویاں کہندے پے سرکار دا کھانے آں
 مت شرک نے ماری ایہہ مومن اکھوائی پھر دے نیں
 دیکھو کئے عقلوں و پہلے ہوش گوائی پھر دے نیں



مٹل بیٹھے نے حشر دہاڑا رب کول جان دے چیتے نہیں

رب دا عدل ترازو لگنا حشر میدان دے چیتے نہیں

تاہیوں تے ایہہ من مرضی نوں دین بنائی پھر دے نیں

دیکھو کئے عقلوں و پہلے ہوش گوائی پھر دے نیں



رب دیاں صفتاں ایہہ اوہدی مخلوق ج پائی پھر دے نیں

دیکھو کئے عقلوں و پہلے ہوش گوائی پھر دے نیں



مشرک تے بدعتی

مشرک تے بدعتی بندہ اللہ نوں ایہہ وارے نہیں
کہدا اے سپارہ جنھے کہیا ایہدے بارے نہیں



اللہ دیاں کماں وچ کوئی نہیں شریک اے
ہر چیز جانے بھانویں کنی وی بریک اے
اللہ دیاں کماں وچ چلے کوئی چارے نہیں
کہدا اے سپارہ جنھے کہیا ایہدے بارے نہیں



رحیم این، عظیم این، اوہ اللہ مختار اے
ہر چیز رب دی تے اوہدا اختیار اے
ہر نبی ولی دسو کیتے ایہہ پکارے نہیں
کہدا اے سپارہ جنھے کہیا ایہدے بارے نہیں



دس دا قرآن جہڑے من لئے قنون تون
لگ کے شیطان پچھے بنیں نہ ملعون تون

مارے جاندے جہڑے آندے رب دے دوارے نہیں
کہڑا اے سپارہ جنھے کہیا ایہدے بارے نہیں



دین وچ نواں کوئی طریقہ جہڑا کڈھے گا
بدعتاں نوں پھڑے گاتے سُنّتاں نوں چھڈے گا

بندہ اوہ جہنمی ایہہ دسیا پیارے ﷺ نہیں
کہڑا اے سپارہ جنھے کہیا ایہدے بارے نہیں



اوہنوں اختیار کرو کہندا اے رسول ﷺ جو
زندگی دے تہانوں سوہنا دَسدا اصول جو

مرضی کیتی اپنی تے لگنا کنارے نہیں
کہڑا اے سپارہ جنھے کہیا ایہدے بارے نہیں



کرے کوئی وظیفے اک لٹتے کھلو کے
جلیاں وی پاوے بھانویں ہٹھ سدھا ہو کے

روزے تے نمازاں بھویں کدے وی وسارے نہیں
مشرک تے بدعتی بندہ اللہنوں ایہہ وارے نہیں



بچ کے بنی رہنا جے شیطان دیاں چالاں توں
کرنا گمراہ اوہنے اپنے خیالاں توں

جھڑے ایہدے چکھے لگے اوہو بازی ہارے نہیں
کہدا اے سپارہ جنھے کہیا ایہدے بارے نہیں



مندے کم چنگے ایہنے کر کے دکھانے نیں
بوہتے بندے نال ایہنے اپنے لجانے نیں

ایہدے نالوں ودھ ہور ہونے خسارے نہیں
کہدا اے سپارہ جنھے کہیا ایہدے بارے نہیں



گھلم گھلا دشمن رب آکھیا شیطان نوں
ایہدے کولوں فیدہ نہیں جے ہونا انسان نوں

دوستھاڈے بابے نوں بنی لائے ایہنے لارے نہیں

کہڑا اے سپارہ جنھے کہیا ایہدے بارے نہیں



قرآن تے حدیث توں جے پاسے تسیں جاؤ گے

گھب گراہی والے کھوبے وچ جاؤ گے

کم تہاڈے آونے بناوٹی سہارے نہیں

کہڑا اے سپارہ جنھے کہیا ایہدے بارے نہیں



رب دے حبیب ﷺ سارے دل کڈھ گئے نہیں

سنت پیاری تے قرآن چھڈ گئے نہیں

ایہناں توں بغیر ملنے جنتی نظارے نہیں

مشرک تے بدعتی بندہ اللہ توں ایہہ وارے نہیں



ویلا آج ملیا اے سوچ لو وچار لو

اپنے اعمال و تے جھاتی ذرا مار لو

آخری اے پھیرا اتھے آونا دوبارے نہیں
کہو اے سپارہ جھنے کہیا ایہدے بارے نہیں



چتے نبی آئے نے توحید اوہناں دسی اے
ایہدے وچ جنتی رسید اوہناں دسی اے

رب دی توحید باجوں ہوونے گزارے نہیں
مشرک تے بدعتی بندہ اللہ نوں ایہہ وارے نہیں



گل تئیوں عبدالشکور دس دتی اے
جی ایہدے دس سی ضرور دس دتی اے

بندہ مسلمان ایس تے کریں انکارے نہیں
مشرک تے بدعتی بندہ اللہ نوں ایہہ وارے نہیں

کہو اے سپارہ جھنے کہیا ایہدے بارے نہیں
مشرک تے بدعتی بندہ اللہ نوں ایہہ وارے نہیں



مومن ٹر پیندے

سُن کے اذان آواز۔ مومن ٹر پیندے
آ مسجد پڑھن نماز۔ مومن ٹر پیندے



بھانویں گرمی تے بھانویں سردی
بھانویں بارش ہووے ورھدی
نہ چھڈن کدے نماز۔ مومن ٹر پیندے
آ مسجد پڑھن نماز۔ مومن ٹر پیندے



آندے من کے حکم الہی
رو رو دھوندے خوب سیاہی
سجدے کرن دراز مومن ٹر پیندے۔
آ مسجد پڑھن نماز۔ مومن ٹر پیندے۔



اللہ دے نال گلاں کر دے
رحمت دے نال جھولیاں بھر دے

کردے راز نیاز۔ مومن ٹر پیندے
آ مسجد پڑھن نماز۔ مومن ٹر پیندے



کدے نہ حد شریعتی لکھن
اللہ کولوں معافیاں منکن

کر کے ہتھ دراز۔ مومن ٹر پیندے
آ مسجد پڑھن نماز۔ مومن ٹر پیندے



اللہ کولوں ڈر کے رہندے
جو کہنا ایں رب نوں کہندے

ایہہ دتا اے رب اعزاز مومن ٹر پیندے
آ مسجد پڑھن نماز۔ مومن ٹر پیندے



اُوّا بندے رب دے پیارے
سن کے حکم اذان بیلارے

چھڈ بستر نرم گداز۔ مومن ٹر پیندے
آ مسجد پڑھن نماز۔ مومن ٹر پیندے



پڑھیں نماز تے ایناں وادھا
ہو جاوے گی قبر کشادا

ملے گا ادب لحاظ۔ مومن ٹر پیندے
آ مسجد پڑھن نماز۔ مومن ٹر پیندے



نبی ﷺ توں کوڑر جام ملے گا
جنت وچ آرام ملے گا

شرک توں آ جاؤ باز۔ مومن ٹر پیندے
آ مسجد پڑھن نماز۔ مومن ٹر پیندے





آیناں اوتھے پیار ملے گا
اللہ دا دیدار ملے گا

دیوے گا رب نواز۔ مومن فر پیندے
آ مسجد پڑھن نماز۔ مومن فر پیندے
سن کے اذان آواز۔ مومن فر پیندے
آ مسجد پڑھن نماز۔ مومن فر پیندے



رحمت دیاں چھلاں

رحمت دیاں چھلاں لئے کے آیا رمضان بے
ایہدے وچ نازل کیتا اللہ قرآن بے



فرض بے کیجے ایہدے روزے رحمان نیں
رکھدے اڈا جہڑے مومن انسان نیں
اوہناں تے رحمت جہڑے پاک زبان بے
رحمت دیاں چھلاں لئے کے آیا رمضان بے



کر کے پابندی راضی کر لو رحمان توں
پڑھ لو نمازاں سینے لا لو قرآن توں
ہن تے عذر کوئی نہیں؛ بند شیطان بے
رحمت دیاں چھلاں لئے کے آیا رمضان بے



لگا جے سیزن کر لو رنج کے نیکیاں
کر لو اکٹھیاں بچی بھج کے نیکیاں
سینکڑے گنا دودھ اجر بیان جے
رحمت دیاں مچھلاں لئے کے آیا رمضان جے



پہلا اے دہاکا و سدی رحمت برسات جے
مومنناں لئی اللہ و آوں سوغات جے
کڑی عنایت کیتی رب رحمان جے
رحمت دیاں مچھلاں لئے کے آیا رمضان جے



جہاں نے اللہ کولوں لینے انعام جے
چھڈ کے نیندر کر دے رات قیام جے
بندھ کے ہتھ کھڑے سن دے قرآن جے
رحمت دیاں مچھلاں لئے کے آیا رمضان جے



دوسرے دہاکے وچ بخشش غفار دی
 منگ لو معافی رحمت ٹھاٹھاں مکی مار دی
 رب رحیم ولوں ہندے اعلان ہے
 رحمت دیاں مچھلاں لئے کے آیا رمضان ہے



تیسرے دہاکے وچ ہون منادیاں
 دوزخ دے کولوں اللہ دیوے آزادیاں
 دیا پیغمبر ﷺ جندی سچی زبان ہے
 رحمت دیاں مچھلاں لئے کے آیا رمضان ہے



اوہناں نوں معافی نہیں جو عادی شرابی ہے
 سوڈی حرام خور مشرک جو لابی ہے
 ستاون جو مایاں تائیں تا فرمان ہے
 دیا پیغمبر ﷺ جندی سچی زبان ہے
 رحمت دیاں مچھلاں لئے کے آیا رمضان ہے



الیس مہینے وی جو توبہ نہیں کرے گا
جاوے جہنم سدھا سختیاں جرے گا

موت نہیں آئی، اوتھے سدا نقصان بے
دسیا پیغمبر ﷺ جندی سچی زبان بے
رحمت دیاں چھلاں لئے کے آیا رمضان بے



کڈے بد بخت جہڑے سن کے نہیں ڈول دے
توبہ نہیں کر دے سگوں پٹھہ نے بول دے

دتی ٹریننگ اوہناں تائیں شیطان بے
رحمت دیاں چھلاں لئے کے آیا رمضان بے



شرک تے بدعت دے ہی نیڑے نہ جایا بے
توحید تے سُنّت والا رستہ اپنایا بے

جنت وچ رہنا بے کر بن کے مہمان بے
رحمت دیاں چھلاں لئے کے آیا رمضان بے



رب دا قرآن میری سُنّت اپنایا ہے
دونواں توں ہرگز تسیں پاسے نہ جایا ہے
کیستی وصیت لوکو نبی ﷺ سلطان ہے
رحمت دیاں چھلاں لئے کے آیا رمضان ہے
ایہدے وچ نازل کیتا اللہ قرآن ہے
رحمت دیاں چھلاں لئے کے آیا رمضان ہے



توحید پیاری لگدی اے

مومن نوں بس اللہ دی توحید پیاری لگدی اے
یا پھر پاک پیغمبر ﷺ دی حدیث پیاری لگدی اے



مومن بندہ دونویں چیزاں سینے لائی رکھدا اے
زندگی اندر دونواں نوں ایس پڑھی پڑھائی رکھدا اے
عملی زندگی ایناں دے نال خوب سنواری لگدی اے
مومن نوں بس اللہ دی توحید پیاری لگدی اے



جدوں کوئی مسئلہ پچھنا ہوے ایناں توں پچھ لیندا اے
حدیث نبی ﷺ دی دتے جو قرآن پیارا کہندا اے
ہور کتاباں کولوں اینوں بڑی بیزاری لگدی اے
مومن نوں بس اللہ دی توحید پیاری لگدی اے



مومن کول قرآن حدیث دیاں این بس دلیلاں نیں
 دونویں چیزاں کافی اینوں دیندیاں پس دلیلاں نیں
 ایسے کر کے مومن دی ہر تھاں سرداری لگدی اے
 مومن نوں بس اللہ دی توحید پیاری لگدی اے



قرآن و سنت دونویں چیزاں مومن دا ایہہ گہنا این
 ساری زندگی ایہناں اُتے عمل کماندے رہنا این
 ایناں باہجوں مومن تائیں بے قراری لگدی اے
 مومن نوں بس اللہ دی توحید پیاری لگدی اے



قرآن حدیث دے سامنے اینوں کوئی شے چنگی لگدی نہیں
 سچی گل بے سورج اگے کدے کوئی ہتی جکدی نہیں
 کسے دے قولوں نالوں اینوں سنت بھاری لگدی اے
 مومن نوں بس اللہ دی توحید پیاری لگدی اے



قرآن تے سُنّت دین حقیقی دسیا نبی ﷺ الہی اے
 ایناں توں جے پاسے جائے پھیر نری گمراہی اے
 بدعتاں کولوں بچن لئی سُنّت چار دیواری لگدی اے
 مومن نوں بس اللہ دی توحید پیاری لگدی اے



جہڑے بندے ایناں کولوں دور دریڈے جاندے نیں
 سِدّھا رستہ نہیں لبھدا اوہ پھر دے ٹھیڈے کھاندے نیں
 اللہ ولوں اوہناں دی تے مت ای ماری لگدی اے
 مومن نوں بس اللہ دی توحید پیاری لگدی اے



رب رسول ﷺ دے حکم بھلا کے نوں طریقے کدھن جو
 اللہ دی کتاب پیاری نبی ﷺ دی سُنّت چھڈن جو
 اوہناں دی پھر ایناں اُتے بے اعتباری لگدی اے
 مومن نوں بس اللہ دی توحید پیاری لگدی اے
 یا پھر پاک پیغمبر ﷺ دی حدیث پیاری لگدی اے



ظلم توں گزاریا نہ کر

اللہ باہجوں کسے ہور نوں پکاریا نہ کر
جان اپنی تے ظلم توں گزاریا نہ کر



جہڑے سن دے نہیں اوہناں نوں پکارنا ایس کیوں
تینوں دیندے نہیں جواب واجاں مارنا ایس کیوں
ایویں مویاں آگے جھولیاں کھلاریا نہ کر
اللہ باہجوں کسے ہور نوں پکاریا نہ کر



غافل ہویا پھریں اللہ دے حقوق کولوں توں
چھڈ خالق نوں متنگیں مخلوق کولوں توں
جھنے پیدا کیتا اوہنوں تے وساریا نہ کر
اللہ باہجوں کسے ہور نوں پکاریا نہ کر



جوس آکھدا اے تینوں ایہہ قرآن کیتی جا
 پاکی ہر ویلے رب دی بیان کیتی جا
 ایویں ہتھ نوں پلیتی وچ ماریا نہ کر
 اللہ باہجوں کسے ہور ئوں پکارتیا نہ کر



قرآن بنھیاں نے کویں حدّاں وکھ تے سہی
 زیراں زبراں تے ہڈّاں مدّاں وکھ تے سہی
 ویلا جھوٹھیاں خیالاں نال ساریا نہ کر
 اللہ باہجوں کسے ہور ئوں پکاریا نہ کر



نبی ﷺ آکھیا اے سڑنا۔ قبول کر لئے
 جھول پھانسی اُتے مرنا قبول کر لئے
 پر کسے اگے سر ئوں اُلا ریا نہ کر
 اللہ باہجوں کسے ہور ئوں پکلمیا نہ کر



قبر والے نوں پکارنا ایں آپ ٹپ کے
 پاویں اُتے توں دھمال پیا ٹپ ٹپ کے
 ایہہ شیطان والا رُوپ ایویں دھاریا نہ کر
 اللہ باہجوں کے ہور ٹوں پکاریا نہ کر



بنائی بیٹھا ایں توں جنھوں دنگیر رب دا
 اوہ ولی بندہ اے تے جھلیا فقیر رب دا
 بندہ رب دے مقابلے کھلہاریا نہ کر
 اللہ باہجوں کے ہور ٹوں پکاریا نہ کر



شرک کرنا ایں تے رب دی زمین چھڈ دے
 اوہدا دتا ہویا سارا کھان پین چھڈ دے
 ہور نعمتاں وی اوہدیاں ڈکاریا نہ کر
 اللہ باہجوں کے ہور ٹوں پکاریا نہ کر



جہاں موت آئی رب نوں پیارے ہو گئے نیں
ایہہ چھڈ گئے جہان اوہ کنارے ہو گئے نیں
ایہناں زندیاں جج اوہناں نوں شماریا نہ کر
اللہ باہجوں کسے ہور توں پکاریا نہ کر



کئی ایڈے کملے لوکی

کئی ایڈے کملے لوکی، مویاں نوں پکاری جاندهے نیس
اوہ قیامت تک نہ بولن، ایہہ واجاں ماری جاندهے نیس



من گھرت دلیلاں دیندے، قرآن دے ورقے پھولدے نہیں
قرآن صفایاں دیندا، جو مر جاندهے اوہ بولدے نہیں
شیطان دے آکھے لگ کئے ایویں جھوٹھ کھلاری جاندهے نیس
کئی ایڈے کملے لوکی، مویاں نوں پکاری جاندهے نیس



بالفرض جے سن وی لیندے، اوہ پھروی کجھ کر سگدے نہیں
پئے قبر نوں چھہ مارن، کئی سجدے کر کر تھکدے نہیں
جہڑا اللہ سب کجھ کردا، اوہنوں منوں وساری جاندهے نیس
کئی ایڈے کملے لوکی، مویاں نوں پکاری جاندهے نیس



قبراں تے سجدے کردے رب اگے سیس نواندے نہیں
جنھے نعمتاں لکھ عطا یاں، کدے اوہدا شکر اواندے نہیں

قبراں تے ڈھیہ ڈھیہ کملے پئے صدقے داری جاندے نہیں
کئی ایڈے کملے لوکی، مویاں نوں پکاری جاندے نہیں



ایہہ مرے کدوں نے جیوندے پئے ایڈے پان بھلکھے نہیں
ایہہ مرے بوہتا سن دے کئی مولوی آکھدے دیکھے نہیں

جے سن دے بولدے کیوں نہیں، کیوں وقت گزاری جاندے نہیں
کئی ایڈے کملے لوکی، مویاں نوں پکاری جاندے نہیں



جے مرے نہیں نے کیوں جے کیوں ڈونگے ٹوئے کھٹے جے
کجھ عقل توں کم دی لئے لؤ کیوں جھوٹھے پاندے رتے جے

کھسباں دی ڈار بنا کے، مت قوم دی ماری جاندے نہیں
کئی ایڈے کملے لوکی، مویاں نوں پکاری جاندے نہیں



لئے کیلے، چھولے، گروکاں، مردہ بخشاؤں چلے جے
 زردے تے پلاء دیاں دیگاں، بنی ہوگئی بلے بلے جے
 ایصال ثواب بنا کے ایہہ مال ڈکاری جاندے نیس
 کئی ایڈے کملے لوکی، مویاں نوں پکاری جاندے نیس



پیا مٹلاں لڈیاں پاوئے، نوٹاں دی بارش ہو رہی اے
 ودھ ودھ کے پیسے سٹن، بڑی سخت سفارش ہو رہی اے
 مٹلاں دے آسے پاسے، کوں نوٹ کھلاری جاندے نیس
 کئی ایڈے کملے لوکی، مویاں نوں پکاری جاندے نیس



سب نذر نیازاں کملے قبراں تے جا کے دیندے نیس
 ایہہ مٹلاں جی نے دسیا، بابا بنی تھلیوں ویندے نیس
 جو جا چڑھاوا چاہڑے، اوہدے کم سنواری جاندے نیس
 کئی ایڈے کملے لوکی، مویاں نوں پکاری جاندے نیس



سوچ تے خیال

کئی اوہدی سوچ گندی بھیرا اے خیال

رب نال دیوے جہڑا ڈی سی دی مثال

ڈی سی تے نہیں کندھوں پار دیکھ سکدا

کر نہیں گھٹ ددھ لیکھ سکدا

رب جانے دلاں دیاں رب دا کمال

رب نال دیوے پیا 'ڈی سی' دی مثال



اللہ پاک خالق اے تے ڈی سی مخلوق

اللہ پاک رازق اے تے 'ڈی سی' مرزوق

اللہ نوں ہیبتگی تے 'ڈی سی' نوں زوال

رب نال دیوے پیا 'ڈی سی' دی مثال



ربدے خزانیاں چ تھوڑ کوئی ناں
کتے آن جان دی وی لوڑ کوئی ناں
جدوں کوئی پکارے اوووں نے ذوالجلال
رب نال دیوے پیا ڈی سی دی مثال



اللہ پاک غنی اے تے ڈی سی اے فقیر
اللہ اگے کسے دی نہ چلے تدبیر
مرضی دا مالک اے اوہ رکھے جس حال
رب نال دیوے پیا ڈی سی دی مثال



ڈی سی حاجت مند اللہ حاجت روا
ساریاں دا اللہ گلا مشکل کشا
اوسے ویلے نے کرے جدوں کوئی سوال
رب نال دیوے پیا ڈی سی دی مثال



ڈی سی نوں تے کملیا نے حاجتاں ہزار
کھنگ تاپ ٹی بی کتے نزلہ بخار
آنا جانا سونا بہنا ہور کئی خیال
رب نال دیوے پیا ڈی سی دی مثال



اللہ پاک ساریاں اے حاجتاں توں پاک
ساری مخلوق دیاں عادتاں توں پاک
خالق نال دیویں مخلوق دی مثال
کئی تیری سوچ گندی بھیڑا اے خیال



ڈی سی دا تے سننا تے دیکھنا محدود
اللہ دیاں صفتاں نے لا محدود
آن والے کل دا وی جان دا اے حال
رب نال دیوے پیا ڈی سی دی مثال



ہر چیز اُتے چلے رب دا قنون
اوسے ویلے ہو جئے آکھے کُنْ فیکُونْ

بادشاہ نوں پل وچ کر دے کنگال
رب نال دیوے پیا ڈی سی دی مثال



ہنیرے تے سویرے جدوں مرضی پکار
ہر ویلے سن دا اے اللہ مختار

ہر ویلے ہر لمحے ہاڑتے سیال
رب نال دیوے پیا ڈی سی دی مثال



جویں چاہوے رب کرے اوہدا اختیار
رب اگے عرضاں ای سکدے گزار

اپنے تے آئی ڈی سی سکدا نہیں نال
رب نال دیوے پیا ڈی سی دی مثال



ڈی سی تاں ایں کھلیا محتاج رب دا

دتا ہوا کھاندا اے اناج رب دا

عقل دیا ویریا توں عقل نوں سنبھال

رب نال دیوے پیا ڈی سی دی مثال



امیریاں دی رب دے فقیریاں وی اوہ

چاہوے تے بھواں دے سمھیریاں وی اوہ

رب اگے دم مارے کندی اے مجال

رب نال دیوے پیا ڈی سی دی مثال



سچ تے بصیر تے علیم وی اوہ

دلاں دیاں جان دا حکیم وی اوہ

ہر پاسے دس دے نے رب دے کمال

رب نال دیوے پیا ڈی سی دی مثال



رب تے رسول ﷺ نال چندا پیار نہیں
من دا نہیں گل تے اوہ حُب دار نہیں

میں تے اوس چندرے نوں آکھاں ابو جاہل
رب نال دیوے پیا ڈی سی دی مثال



گلاں تینوں مٹھیاں ایہہ دسدا شیطان
کاش کتے پڑھ لویں رب دا قرآن

بیٹھا اے شیطان ہر پاسے سٹ جاں
رب نال دیوے پیا ڈی سی دی مثال



رب تاں ایں تیری شاہ رگ توں قریب
پوڑیاں توں چکی پھریں بندہ ایں عجیب

لگ کے شیطان پچھے زندگی نہ گال
رب نال دیوے پیا ڈی سی دی مثال



عبدالشکور گل کھول دسی اے
 صاف سدھی تیرے اگے بول دسی اے
 ہن تیری مرضی اے من بھویں نال
 رب نال دیوے پیا ڈی سی دی مثال
 رکنی اوہدی سوچ گندی بھیڑا اے خیال
 رب نال دیوے پیا ڈی سی دی مثال



عبدالشکور خان عزیز دیاں کتاباں ”توحیدی کرناں“،
 ”توحیدی مہکاں“، ”مٹھیاں ٹکوراں“، ”توحیدی
 چمکاں“ اینھاں تھاواں توئل سکدیاں نیں۔

- ① نعمانی کتب خانہ حق سٹریٹ اردو بازار لاہور۔
- ② طیبہ واج ہاؤس اندرون دروازہ کوٹ بدر دین قصور۔
- ③ جامع مسجد ”اللہ اکبر“ اہل حدیث اٹھیل پور ضلع قصور

0306-4799759

چوہدري تے مولوی

چوہدري نوں جا کے ایہہ کہیا کڑ مٹی اے
گل ہن چوہدري جی حدوں ودھ چلی اے
آج میں مسیت کولوں فیر چدوں لنگھیا
سنیا میں آپ تہانوں مولوی نے ڈنگیا

بے نماز کافر اے ایہہ آکھیا پکار کے
پنج ست چاٹاں اوہوں مارو کھاں کھلہار کے
بے نماز کہیا تہانوں کافر اوہنے آکھیا
ایدو ودھ ہور وی اے وافر اوہنے آکھیا

گل سن چوہدري نے وٹ بڑا کھادا اے
پیر و پیر مولوی تے کیتی جاندا وادا اے
کس کے تیاری اٹھ کر پیا چوہدري
مولوی دے گھر وے مڑ پیا چوہدري

بڑے رُعبِ نال گھروں مولوی نوں سدیا
 وٹ کے پچی اگاں چھیتی نال ودھیا
 مولوی نے دیکھے جد چوہدری دے آہر بے
 بوہا چھیتی ڈھو لیا تے نکلیا نہ باہر بے

ہویا کیہہ اے چوہدری جی گل تے کوئی دس لو
 فیر جتاں مرضی بے میرے اُتے دس لو
 مینوں کڑملی نے ایہہ دسیا اے جا کے
 گلاں سانوں کرنا ایں تُوں لا لا کے

بے نماز آکھیں سانوں کافر بنائیں تُوں
 شرم نہیں آئی تینوں ساڈے گھروں کھائیں تُوں
 مولوی نے چوہدری دی نبض جاں پچھان لئی
 دتی اے تسلی جان اپنی چھڑان لئی
 چوہدری جی تہاڈے بارے گل کوئی نہیں کیتی اے
 ایہہ کڑملی دے ای ڈھڈ دی پلیتی اے
 تہانوں بے نماز آکھاں میری کیہ مجال اے
 سوچنا وی نہ کدے انج دا خیال اے

چنگی طرح تہانوں تے سہا پ سی میں دیکھیا

عید والے دن تہانوں آپ سی میں دیکھیا

عید جدوں ملے مینوں تسیں چھھی پا کے

پنج سو دا نوٹ مینوں گئے سوں پھڑا کے

اپنے مفاد لئی حق نوں لکاندے نیں

گھڑ گھڑ دین دج پچراں جو لاندے نیں

قرآن تے حدیث وچوں بول کے نہیں دس دے

مسئلہ جو حق اوہنوں کھول کے نہیں دس دے

کولوں ایں جو چیز تے نجیر کری جاندے نیں

جھوٹھ بول بول کے تے جھولی بھری جاندے نیں

ہر پاسے اپنا مفاد اگے رکھ دے

قل ساتا چاہلیہ میلاد اگے رکھ دے

میلاد کوں چیز اے جواب اکو لہیا

ایناں نوں ایں کافر ابوہب اکو لہیا

ثبوت دینا چاہی دا صحابہ اکرام دا

اللہ دے رسول ﷺ کائنات دے امام دا

نبیٰ دی حدیث دا یا رب دے قرآن دا
 ابو بکرؓ، عمرؓ، علیؓ یا عثمانؓ دا
 نبیٰ دے محبت سچے حضرت بلالؓ دا
 رب کواں پایا جنھے رتبہ کمال دا

ایویں اُنھے کھوہ وچ اٹاں پان والیو
 جہالت دیاں لوکاں اُتے پھٹھاں پان والیو
 چیتا کاہنوں بھل گئے جے رب کول جان دا
 اوتھے پتہ لگنا ایں لٹ لٹ کھا دا

چھوٹی وڈی ہر اک گل باہر آئے گی
 نیکی بدی جہڑی وی اے ساری ٹل جائے گی
 لگدا اے بھل گئے جے قبر دے عذاب نوں
 ذہن وچوں کڈھ دتا حشر دے حساب نوں
 نبی ﷺ جہڑی دسی اے اوہ ہر گل نیکی اے
 رَج رَج کری جاؤ پل پل نیکی اے
 جہدا وی ثبوت ملے اڈا ای ثواب اے
 جہدا کوئی ثبوت نہیں اوہ باعثِ عذاب اے

چچراں چڑھانیاں ثواب پئے جے دس دے

اجر لوکاں تائیں بے حساب پئے جے دس دے

قبر دے چڑھاوے نوں نجات پئے جے دس دے

نبی دے خلاف ہر بات پئے جے دس دے

فرض نالوں ودھ کیتی یارھویں پکاوئی

نماز نہیں ضروری اپنی پڑھنی پڑھاوئی

نماز روزہ حالانکہ ساریاں تے فرض اے

بہت بڑا بندیاں تے اللہ دا اے قرض اے

بے نماز مشرک اے قرآن پیا دس دا

نبی ﷺ دا پیارا فرمان پیا دس دا

بے نماز پاوئی کدے وی نجات نہیں

اللہ دے رسول ﷺ نے ایہہ دسی بھلا بات نہیں؟

آئے روز مسئلہ کوئی نواں کدھی جاندے جے

رب تے رسول ﷺ والا پاسہ چھڈی جاندے جے

چھڈو اوہ طریقے جو قرآن وچوں باہر نے

اللہ دے رسول ﷺ دے بیان وچوں باہر نے

بدعتی دا بوٹا نبی ﷺ جڑوں وڈھ چھڈیا

بدعتی نوں دین وچوں باہر کڈھ چھڈیا

ادب جہڑا بدعتی دا کرے تے کرائے گا
سمجھ لوو دین اسلام نوں اوہ ڈھائے گا
خالص دین دتا اے جو اللہ دے رسول ﷺ نیں
ایندے تحت کم سارے اللہ نوں قبول نیں
نبی ﷺ دی حدیث تے قرآن ای معیار اے
ایناں اُتے چلے جنھوں ایناں نال پیارے اے
خالص توحید والے رنگ وچ رنگ جاؤ
اللہ دے رسول ﷺ پچھے جتناں نوں لنگھ جاؤ



رب کولوں چاہندا اے جو رب دی رضا

رب کولوں چاہندا اے جو رب دی رضا
رب دے حبیب ﷺ دی اوہ کرے اتباع



اللہ پاک وچ ایہہ قرآن دیا
مومنوں لئی نسخہ آسان دیا
بخشوانا چاہندا اے جو اپنے گناہ
رب دے حبیب ﷺ دی اوہ کرے اتباع



وَل سارے اللہ دے رسول ﷺ دے نہیں
زندگی دے سارے ای اصول دے نہیں
سُنّت رسول توّے سینے نال لا
رب کولوں چاہندا اے جو رب دی رضا



رب توں جو رب دا پیار چاہندا اے
درجہ بلند تے وقار چاہندا اے
پڑھ کے قرآن دیکھے آندی اے صدا
رب دے حبیب ﷺ دی اوہ کرے اتباع



دستی اے نماز آقا ﷺ جویں پڑھ کے
سینے نال لالے اوہ طریقہ پھڑ کے
آقا ﷺ جویں پڑھی اونویں پڑھ تے پڑھا
رب دے حبیب ﷺ دی اوہ کرے اتباع



حدیث سن اپنے خیال چھڈ دے
کرنی توں کولوں قیل و قال چھڈ دے
سن کے قرآن کوے دھون نوں نوا
رب دے حبیب ﷺ دی اوہ کرے اتباع



دین وچ نواں جو طریقہ کڈھے گا
رب دا قرآن تے حدیث چھڈے گا
بدعتی اے پکا نبی ﷺ دتا فرما
رب دے حبیب ﷺ دی اوہ کرے اتباع
◆◆◆

قرآن تے حدیث توں جو پاسے جاوے گا
کدے وی اوہ بندہ نہیں نجات پاوے گا
رب دے عذاباں توں جو چاہندا اے بچا
رب دے حبیب ﷺ دی اوہ کرے اتباع
◆◆◆

رکھ لئے توں رب دا قرآن سامنے
مدنی ﷺ دا سوہنا فرمان سامنے
ایناں اُتے بندیا توں عمل کما
رب دے حبیب ﷺ دی اوہ کرے اتباع
◆◆◆

دو ای چیزاں لوکو راہنمائی واسطے

ساری اللہ پاک دی خدائی واسطے

ایناں توں بغیر کوئی نہیں ہور سدھا راہ

رب دے حبیب ﷺ دی اوہ کرے اتباع



جو دسیا نہیں آقا ﷺ نے اوہ کرنا ایس کیوں

جان کے توں پٹھے پاسے مرنا ایس کیوں

لگ کے شیطان کچھے ہو یوں گمراہ

رب دے حبیب ﷺ دی اوہ کرے اتباع



اگے آنا قمر دا ہمیرا بندیا

بند اے جندا چار تے چو فیرا بندیا

اوتھوں لئی وی کسلیا کوئی چانن بنا

رب دے حبیب ﷺ دی اوہ کرے اتباع



اللہ تے رسول ﷺ کولوں اگے جانا نہیں

حکم الہی کدے وی بھلانا نہیں
اللہ تے رسول ﷺ کولوں اگے جانا نہیں



پابند اللہ کیا فرمان کر کے
سورۃ حجرات جج اعلان کر کے
اصول وچ زندگی دے ایہہ بھلانا نہیں
اللہ تے رسول ﷺ کولوں اگے جانا نہیں



روک دیکھوں جتھوں تسیں رُک جاونا
جتھے اوہ جھکان او تھے جھک جاونا
جتھے نہیں جھکایا او تھے توں جھکانا نہیں
اللہ تے رسول ﷺ کولوں اگے جانا نہیں



نبی ﷺ سوہنا رَبُّ الْعَالَمِينَ دیتا اے
اودھے راہیں پورا سانوں دین دیتا اے

کولوں ایندے وچ کوئی طریقہ پانا نہیں
اللہ تے رسول ﷺ کولوں آگے جانا نہیں



کویں نبی ﷺ پاک نے گزاری زندگی
ساڈے لئی نمونہ ایں ایہہ ساری زندگی
نبی ﷺ جویں کھاہد انہیں جے اونویں کھانا نہیں
اللہ تے رسول ﷺ کولوں آگے جانا نہیں



نبی ﷺ دی اطاعت اے اطاعت رب دی
نبی ﷺ نے جو دسی اے اوہ بات رب دی
ایناں نالوں ودھ کے نوں بنانا نہیں
اللہ تے رسول ﷺ کولوں آگے جانا نہیں



اونویں کرو جویں آ قرآن دس دا
 نبی ﷺ دا جو سوہنا فرمان دس دا
 ایناں توں بغیر تیرا کوئی نکانا نہیں
 اللہ تے رسول ﷺ کولوں اگے جانا نہیں



نبی ﷺ کدوں قبریں بنایاں پکیاں
 ایناں اُتے اٹاں کدوں لایاں پکیاں
 میلہ نہیں لوایا اوہنا توں لوانا نہیں
 اللہ تے رسول ﷺ کولوں اگے جانا نہیں



قل ساتھ چاہیہ کرایا اوہناں نہیں
 حدیث و حج کتے فرمایا اوہناں نہیں
 اوہناں نے کرائے نہیں تے توں کرانا نہیں
 اللہ تے رسول ﷺ کولوں اگے جانا نہیں



جس دا ثبوت قرآن وچ نہیں

نبی ﷺ دے پیارے فرمان وچ نہیں

اوہناں تُوں ثواب کدے تُوں بنانا نہیں

اللہ تے رسول ﷺ کولوں اگے جانا نہیں



قرآن چھڈ گنا سماج پچھے نہیں

دنیا دے رسم و رواج پچھے نہیں

لگ کے شیطان پچھے دھوکا کھانا نہیں

اللہ تے رسول ﷺ کولوں اگے جانا نہیں



شیطان دھوکا دیندا اے ثواب دس کے

مار دا شکنجہ چنگا کس کس کے

بدعتی جہنمی ایس ایہہ بھلانا نہیں

اللہ تے رسول ﷺ کولوں اگے جانا نہیں





اللہ کولوں رہنا جے ہمیشہ ڈر کے
 جانا اوہدے کول اوہنوں راضی کر کے
 آخری اے پھیرا اتھے مُو آنا نہیں
 اللہ تے رسول ﷺ کولوں اُتے جانا نہیں



ایہہ زندگی اے تیرا امتحان بندیا
 چھچھے تیرے لگا اے شیطان بندیا
 بچ کدے اپنے تیرے توں ولانا نہیں
 اللہ تے رسول ﷺ کولوں اُتے جانا نہیں



دَسنا ایں اڈا جو قرآن دَس دا
 آقا ﷺ دا جو پیارا فرمان دَس دا
 ڈھڈ چھچھے کوئی مسئلہ چھپانا نہیں
 اللہ تے رسول ﷺ کولوں اُتے جانا نہیں



جسھاں کچھے لگ حدّاں توڑ دے جے پئے
قرآن تے حدیثوں کھ موڑ دے جے پئے

اوہناں نے عذاب کولوں تے پہچانا نہیں
اللہ تے رسول ﷺ کولوں اگے جانا نہیں



اللہ پاک سن دا تے جان دا وی اے
دلاں دے ارادے نوں پہچان دا وی اے

اوپدے توں لکاویں گاتے لک جانا نہیں
اللہ تے رسول ﷺ کولوں اگے جانا نہیں



لوکاں نوں نہ کر گمراہ

ظالماں توں لوکاں نوں نہ کر گمراہ
مشکلاں نہ ٹالے کوئی اللہ تو سوا



ظالم آکھے پیر تے فقیر دیندے نیں
جنڈی چاہن بدل تقدیر دیندے نیں
شرم کر مورکھا بھلیکھے نہ توں پا
مشکلاں نہ ٹالے کوئی اللہ توں سوا



بابا آئی ٹال دا تے پاندا کون جے
روح کھچ باجے دی لجاندا کون جے
اپنے تے آئی کیوں نہیں ٹال سکدا
مشکلاں نہ ٹالے کوئی اللہ توں سوا



پاوے اللہ مشکلات تے ٹال دا وی اوہ
ڈگے ڈھٹھے تائیں ایں سنبھال دا وی اوہ

اوبدے ہتھ وچ تیری زندگی دے ساہ
مشکلاں نہ ٹالے کوئی اللہ توں سوا



قبراں توں جا کے پئے مراداں منگ دے
مویاں کولوں جیوندے پئے اولاداں منگ دے

مویاں نوں تے کوئی نہیں سکدا سنا
مشکلاں نہ ٹالے کوئی اللہ توں سوا



دکھ پریشانی جدوں کرے مجبور
آکھدے نے اللہ تائیں ایویں منظور

خوشی آوے آکھدے نے دتی کوڈے شاہ
مشکلاں نہ ٹالے کوئی اللہ توں سوا



کفن وچ جنھوں ہتھیں آپ ٹھپ دے
ٹویا کڈھ مٹی وچ آپ نپ دے
فیر کہندے بابا تھلویں دیکھدا پیا
ظالما توں لوکاں نوں نہ کر گراہ



دکھ سکھ دینا اختیار اللہ دا
ظالما نہ کر انکار اللہ دا
ہر ویلے جھولی اللہ اگے ای پھیلا
مشکلاں نہ ٹالے کوئی اللہ توں سوا



دکھ تے مصیبتاں نے سارے اللہ کول
خوشیاں دے لکھاں نے نظارے اللہ کول
دکھ دیوے سکھ دیوے اللہ دی رضا
مشکلاں نہ ٹالے کوئی اللہ توں سوا



نبی اللہ اگے فریاد کر دے
من لئے تے بھویں بے اولاد کر دے

نبی محتاج اللہ حاجت روا
مشکلاں نہ ٹالے کوئی اللہ توں سوا



ایناں کدے کر لئے خیال جھلیا
اکھیں دیکھ رب دے کمال جھلیا

فیر وی شیطان تینوں لائی پھرے دا
مشکلاں نہ ٹالے کوئی اللہ توں سوا



مشکلاں سچ جتاں نے گزاری زندگی
رب کولوں منگدے رہ ساری زندگی

اوتناں نوں بنائی بیٹھا ایں مشکل کشا
مشکلاں نہ ٹالے کوئی اللہ توں سوا



خالما توں لوکاں نوں نہ کر گمراہ
مشکلاں نہ ٹالے کوئی اللہ توں سوا



رب دا قرآن دس دا

پڑھ ویکھ رب دا قرآن دس دا
تینوں اللہ پاک دی پچھان دس دا



دس دا جہاناں نوں ایس اللہ پال دا
کوئی نہیں شریک اوہدا کلا پال دا
اوہدے ہتھ نفع نقصان دس دا
پڑھ ویکھ رب دا قرآن دس دا



اللَّهُ أَحَدٌ اے قرآن دس دا
اللَّهُ الصَّمَدُ اوہدی شان دس دا
اللہ لا شریک ایہہ بیان دس دا
پڑھ ویکھ رب دا قرآن دس دا



رب دے قنون کوئی نہیں توڑ سکدا
اوہدے اگ ہتھ ای بس جوڑ سکدا
اوہدے ہتھ ساریاں دی جان دس دا
پڑھ ویکھ رب دا قرآن دس دا



اللہ ای اے موت چوں حیات کڈھدا
اللہ ای اے دن وچوں رات کڈھدا
ہر چیز اوہدے لئی آسان دس دا
پڑھ ویکھ رب دا قرآن دس دا



زمین ویکھو چیزاں بے شمار کڈھ دی
لکھاں چیزاں تھلے آ نگھار چھڈ دی
تھماں باہجوں کھڑے آسمان دس دا
پڑھ ویکھ رب دا قرآن دس دا



پانی وچ ہووے یا ہواواں وچ جے
ہر چیز اللہ دی نگاہواں وچ جے

جتھے ہووے لیندا اے پچھان دس
پڑھ دیکھ رب دا قرآن دس



پکار چنے دن دے سویرے وچ توں
بھویں ادھی رات دے ہنیرے وچ توں

ہر ویلے سنے رحمان دس
پڑھ دیکھ رب دا قرآن دس



جدوں وی کوئی منگے اوہنوں موڑا نہیں
بندے دا گمان کدے توڑ دا نہیں

پیارا اوہنوں بڑا انسان دس
پڑھ دیکھ رب دا قرآن دس



ہتھ نال بندے نوں بنایا رب نہیں
مہبدا سی جویں ایہہ پھبایا رب نہیں
مالک ایہدا اللہ سبحان دس دا
پڑھ ویکھ رب دا قرآن دس دا
◆◆◆

جٹاں بندہ رب دے قریب ہندا ہے
پیارا اوناں اوس دا نصیب ہندا ہے
رب ہووے بڑا مہربان دس دا
پڑھ ویکھ رب دا قرآن دس دا
◆◆◆

ہر پاسے اوہدے شاہکار دس دے
گئے ای نہیں جاندے بے شمار دس دے
ہر کم اللہ دی اے شان دس دا
پڑھ ویکھ رب دا قرآن دس دا
◆◆◆

ہر تھان تے روزیاں پچاوند اے اوہ
ہر جاندار نوں کھواوند اے اوہ
رب کول روزی دے سامان دس دا
پڑھ ویکھ رب دا قرآن دس دا
◆◆◆

اللہ باجوں کے نوں پکارنا ای نہیں
متھا کے ہور تھان اُلا رنا ای نہیں
کئی تھائیں کر ایہہ اعلان دس دا
پڑھ ویکھ رب دا قرآن دس دا
◆◆◆

شریک اوہدا ذات تے صفات وچ نہیں
حصے دار کے گل بات وچ نہیں
گلا اے اوہ گلے دا جہان دس دا
پڑھ ویکھ رب دا قرآن دس دا
◆◆◆

تھپ نہیوں سکدا کوئی گٹھ وچ ہے
سارا ای جہان اوہدی مٹھ وچ ہے
علیم تے خیر نگہبان دس دا
پڑھ ویکھ رب دا قرآن دس دا
◆◆◆

اللہ باہجوں ہور نہیں الہ منناں
نہ ای کوئی مشکل کشا منناں
ایہدے وچ بڑا نقصان دس دا
پڑھ ویکھ رب دا قرآن دس دا
◆◆◆

اللہ باہجوں ہور کوئی نہیں دیکھیر ہے
کائنات ساری اوے دی فقیر ہے
اک اک کھول کے بیان دس دا
پڑھ ویکھ رب دا قرآن دس دا
◆◆◆

اوہدے اگے دم کوئی نہیں مار سکدا
بس اک عرض ای گزار سکدا

محتاج اوہدا سارا ای جہان دس دا
پڑھ ویکھ رب دا قرآن دس دا



جدوں تینوں لوڑ پوے منگیں رب توں
کدے وی نہ بندیا توں سنگیں رب توں

بڑا اوہ شفیق مہربان دس دا
پڑھ ویکھ رب دا قرآن دس دا



ماریا نہ جاویں ایویں سنگ وچ توں
رنگ جا توحید والے رنگ وچ توں

مومنناں دی کچی ایہہ پچھان دس دا
پڑھ ویکھ رب دا قرآن دس دا



اللہ باہجوں ہوراں تائیں جو پکارے گا
بڑے دکھ والی اوہنوں مار مارے گا

جہنماں نوں ہووے گا چالان دس دا
پڑھ ویکھ رب دا قرآن دس دا



عبدالشکور خان عزیز دیاں کتاباں ”توحیدی کرناں“،
”توحیدی مہکاں“، ”مٹھیاں نکوراں“، ”توحیدی
چمکاں“ اینھاں تھاواں تو مل سکدیاں نیں۔

- ① نعمانی کتب خانہ حق سٹریٹ اردو بازار لاہور۔
- ② طیبہ واچ ہاؤس اندرون دروازہ کوٹ بدر دین قصور۔
- ③ جامع مسجد ”اللہ اکبر“ اہل حدیث اٹھیل پور ضلع قصور

0306-4799759

کوئس میں بھلاواں احسان مالکا

کوئس میں بھلاواں احسان مالکا
میںوں توں بنایا انسان مالکا



ہور وی اے تیری مخلوق دس دی
تیری سچی سچی اے کتاب دس دی
بھریا اے سارا ای جہان مالکا
میںوں توں بنایا انسان مالکا



ہور توں احسان ایہہ مزید کیتا اے
میںوں سوہنے نبی ﷺ دا مرید کیتا اے
بنایا میںوں توں ایس مسلمان مالکا
کوئس میں بھلاواں احسان مالکا



صحت والی زندگی عطائی مینوں توں

ہدایت ول دتی رہنمائی مینوں توں

ہو گئی مینوں تیری اے پچھان مالکا

کوئیں میں بھلاواں احسان مالکا



سوچ دتی حماں سنان واسطے

ہتھ دتے لکھن لکھان واسطے

زبان تیرا کر دی بیان مالکا

کوئیں میں بھلاواں احسان مالکا



نعمتاں توں مینوں نے ہزار دتیاں

گنیاں نہ جاہن بے شمار دتیاں

دتا رہن سہن لئی مکان مالکا

کوئیں میں بھلاواں احسان مالکا



توحیدی چمکاں

قدرتاں دے رنگ تیرے لکھاں مالکا
دیکھنے نوں دتیاں توں اکھاں مالکا
ہر پاسے دتے تیری شان مالکا
کوئیں میں بھلاواں احسان مالکا
◆◆◆

اپنے ائی بوہے تے جھکایا مینوں توں
ہوراں کولوں مالکا بچایا مینوں توں
مشکلاں توں کیتیاں آسان مالکا
کوئیں میں بھلاواں احسان مالکا
◆◆◆

اپنے ائی در تے جھکائی رکھیں توں
سدھے راہے پایا اے تے پائی رکھیں توں
دتے توں حدیث تے قرآن مالکا
کوئیں میں بھلاواں احسان مالکا
◆◆◆

عقیدہ مینوں دتا اے توں ٹھیک مالکا

نیاں نہیں تیرا کوئی شریک مالکا

دتا مینوں دین تے ایمان مالکا

کوئی میں بھلاواں احسان مالکا



ہر اختیار تیرے کول منناں

سچے قرآن والے بول منناں

رحیم تے کریم مہربان مالکا

کوئی میں بھلاواں احسان مالکا



دُور جاوے رب دے قرآن کولوں ویکھ لو

دُور جاوے رب دے قرآن کولوں ویکھ لو
مصطفیٰ ﷺ دے سچے فرمان کولوں ویکھ لو



بدعتی جو کدے وی قرآن چوں نہیں دس دا
مصطفیٰ ﷺ دے سچے فرمان چوں نہیں دس دا
چھڈ دا اے گھڑ کے بیان کولوں ویکھ لو
دور جاوے رب دے قرآن کولوں ویکھ لو



دوای چیزاں دتیاں نے رب تے رسول ﷺ نیں
مومنناں نے منیں ایناں دونواں دے اصول نیں
بدعتی چھپاندا اے جہان کولوں ویکھ لو
دور جاوے رب دے قرآن کولوں ویکھ لو



کولوں ایسے رساں رواج کڈھ چھڈے نیں
بدعتاں جہالتاں دے جھنڈے گڈھ چھڈے نیں

دل سارے سکھ دا شیطان کولوں دیکھ لو
دور جاوے رب دے قرآن کوٹوں دیکھ لو



رب ہاں تہاڈا رحمان جدوں پچھیا
آکھیا سی ہاں مہربان جدوں پچھیا

اج پھر گیا اے زبان کولوں دیکھ لو
دور جاوے رب دے قرآن کولوں دیکھ لو



اج پیا آکھدا اے کھائیے سرکار دا
مویاں تائیں اُچی اُچی واجاں پیا مار دا

سگدا نہیں ذرا رحمان کولوں دیکھ لو
دور جاوے رب دے قرآن کولوں دیکھ لو



توحیدی چمکاں

۱۳۳

مرے کوئی جیوے اینوں کھان نوں ایں چاہی دا
کردا سامان پیا اپنی تباہی دا
بچے نہ بچاوے نقصان کولوں دیکھ لو
دور جاوے رب دے قرآن کولوں دیکھ لو



فوت ہوئے سن دے نہیں کہندا قرآن جے
ایہہ آکھے بوہتا سنے مویا انسان جے
کم لیندا وہم تے گمان کولوں دیکھ لو
دور جاوے رب دے قرآن کولوں دیکھ لو



قرآن کہوے مالک اللہ نفعے نقصان دا
ایہہ آکھے بابا ساڈا قبر چوں پچھان دا
کڈا وڈا لاوے بہتان کولوں دیکھ لو
دور جاوے رب دے قرآن کولوں دیکھ لو



قرآن آکھے اللہ باہجوں غیب کوئی جانے نہ

اللہ باہجوں دل دیاں حالتاں پچھانے نہ

ایہہ کہن بابے لیندے جان کولوں ویکھ لو

دور جاوے رب دے قرآن کولوں ویکھ لو



روکنا برائی توں ایہہ حوصلے ودھان پئے

سدھے راہے پانا سی ایہہ پٹھے راہے پان پئے

پٹھیاں نوں ڈگریاں عطان کولوں ویکھ لو

دور جاوے رب دے قرآن کولوں ویکھ لو



قرآن آکھے دھیاں پت اللہ ای عطاندا اے

ایہہ آکھے باب ساڈا ٹیل بڑا لاند اے

کڈے کڈے جھوٹھ ایہہ بنان کولوں ویکھ لو

دور جاوے رب دے قرآن کولوں ویکھ لو



بھنڈاں وانگ اکوای ایہہ گل بھنڈی جاندا اے
پیرا ساڈا آکھدا خزانے ونڈی جاندا اے

رب اُتے افترے ایہہ لان کولوں دیکھ لو
دور جاوے رب دے قرآن کولوں دیکھ لو



چھڈ کے ایہہ اللہ نوں علیم تے خیر نوں
واجباں پئے ایہہ مار دے نے دے ہوئے پیر نوں

منگ دے نے موئے انسان کولوں دیکھ لو
دور جاوے رب دے قرآن کولوں دیکھ لو



موئے نہیں جے سن دے قرآن پیا دس دا
گلاں سکھے اللہ رحمان پیا دس دا

مویاں اگے متھے پئے جھکان کولوں دیکھ لو
دور جاوے رب دے قرآن کولوں دیکھ لو



رکھ دتا رب دا قرآن ایناں ٹھپ کے
نبی ﷺ دا پیارا فرمان ایناں ٹھپ کے
بدعتاں دی کھولی اے دکان کولوں دیکھ لو
دور جاوے رب دے قرآن کولوں دیکھ لو



دکان وچ سو دے وی کمال ایناں رکھے نہیں
قل، ساتے، عرس تے دھمال ایناں رکھے نہیں
جشن میلاد دی منان کولوں دیکھ لو
دور جاوے رب دے قرآن کولوں دیکھ لو
مصطفیٰ ﷺ دے سچے فرمان کولوں دیکھ لو



کلمہ کیہ پڑھیا

پڑھ کے دیکھ قرآن دا کہنا
 اللہ رب رحمان دا کہنا
 پڑھ قرآن - ہمیرے ای رہنا

تے پھر کیہ فیہ دس بھراتے کلمہ کیہ پڑھیا
 نہیں منا اک اللہ تے کلمہ کیہ پڑھیا



جسوں ہٹایا ہٹنا نہیں جے
 سر رب اگے سٹنا نہیں جے
 ایلئیس توں پاسا وٹنا نہیں جے

مرنا ہو کے جے گمراہ تے کلمہ کیہ پڑھیا
 نہیں منا اک اللہ تے کلمہ کیہ پڑھیا



اللہ پاک نوں خالق من کے
ہر اک شے دا مالک من کے
کل دنیا دا رازق من کے

دینے داتے ہور بناتے کلمہ کیہ پڑھیا
نہیں مننا اک الہ تے کلمہ کیہ پڑھیا



لا الہ دی جلی پا کے
ایویں زور دھگانا لا کے
نواں طریقہ آپ بنا کے

چھڈیا پاک نبی ﷺ دا راہ تے کلمہ کیہ پڑھیا
نہیں مننا اک الہ تے کلمہ کیہ پڑھیا



اللہ پاک سنیں فریاداں
اوکھے وقت کرے امداداں
دیوے اللہ جدوں اولاداں

پھرتوں قبر تے ڈگیں جاتے کلمہ کیہ پڑھیا
نہیں مننا اک الہ تے کلمہ کیہ پڑھیا



گرنی چتر چالاکی اونویں
 رکھنی بد اخلاقی اونویں
 دل دے وچ ناپاکی اونویں

نہیں جے اکھ دے وچ جیاتے کلمہ کیہ پڑھیا
 نہیں منا اک الہ تے کلمہ کیہ پڑھیا



ہر اک نعمت اللہ دیندا
 ہور کوئی نہیں کلا دیندا
 تینوں صبر تسلا دیندا

دیویں نام ہوراں دالاتے کلمہ کیہ پڑھیا
 نہیں منا اک الہ تے کلمہ کیہ پڑھیا



قبر دے اُتے ڈگ ڈگ پینا
 نت چڑھاوے چاہڑ دے رہنا
 بابا مشکل ٹال دے کہنا

پھر کیہ منیا دس خدا تے کلمہ کیہ پڑھیا
 نہیں منا اک الہ تے کلمہ کیہ پڑھیا



سڈھے پاسے ٹرنا نہیں جے
 پٹھے پاسیوں مڑنا نہیں جے
 حق والے نال جڑنا نہیں جے

کرنا اپنا آپ تباہ تے کلمہ کیہ پڑھیا
 نہیں منا اک الہ تے کلمہ کیہ پڑھیا



نہ ای چور بازاری چھڈنی
 نہ ای مکر مکاری چھڈنی
 نہ ٹھگی عیاری چھڈنی

لینا عاشق نام رکھا تے کلمہ کیہ پڑھیا
 نہیں منا اک الہ تے کلمہ کیہ پڑھیا



اک نہیں حکم نبی ﷺ دا منا
 قبر تے جا کے متھے بھننا
 عاشق پھیر نبی ﷺ دا بننا

ایہہ تے نرا شیطانی دا تے کلمہ کیہ پڑھیا
 نہیں منا اک الہ تے کلمہ کیہ پڑھیا



اللَّهُ أَحَدٌ وَى آھیں
 اللَّهُ الصَّمَدُ وَى آھیں
 پھیر توں ایدو ودھ وى آھیں

دیویں نور چوں نور بنا تے کلمہ کیہ پڑھیا
 نہیں منا اک الہ تے کلمہ کیہ پڑھیا



آپو آپ نشانی لا کے
 دکھو دکھری پگ بھنا کے
 بیٹھے جھوٹھ تے پردے پا کے

دتا قوم نوں کر گمراہ تے کلمہ کیہ پڑھیا
 نہیں منا اک الہ تے کلمہ کیہ پڑھیا



ایسی وا جہالت وگی
 چھڈنی وی نہیں چوری ٹھگی
 لا لینی ایں جتھوں گگی

دینا گھر وچ ختم دوا تے کلمہ کیہ پڑھیا
 نہیں منا اک الہ تے کلمہ کیہ پڑھیا



لگ کے رسم رواجوں کچھے
 پٹھے کماں کاجاں کچھے
 لئے کے رقم بیاجاں کچھے

کہندے لیا اے نک بچاتے کلمہ کیہ پڑھیا
 نہیں منا اک الہ تے کلمہ کیہ پڑھیا



رسم رواج نوں جھڈنا نہیں تے
 گھروں شیطان نوں کڈھنا نہیں تے
 بدعتی بوٹا وڈھنا نہیں تے

کرنے من دے پورے چاتے کلمہ کیہ پڑھیا
 نہیں منا اک الہ تے کلمہ کیہ پڑھیا



سوچنا چاہی دا کلمے بہہ کے
 ڈونگیاں فکراں دے وچ پئے کے
 نبی ﷺ نوں سیدی مرشدی کہہ کے

لینا ایں مرشد ہور بناتے کلمہ کیہ پڑھیا
 نہیں منا اک الہ تے کلمہ کیہ پڑھیا



زبانی اقرار تے عملی انکار

زبانی کیتی جاویں اقرار دوستا
عملی اے تیرا انکار دوستا



زبانی اللہ ربُّ الْعَالَمِیْنَ نیا
نالے قبر والے تے یقین نیا

دوہرا توں بنایا اے معیار دوستا
عملی اے تیرا انکار دوستا



اللہ نوں توں سمج تے بصیر نیا
نالے ہوراں تائیں دنگیر نیا

قبر آگے کیتی جائیں پکار دوستا
عملی اے تیرا انکار دوستا



اللہ نوں اُحد لا شریک آکھ کے
ہور نہیں معبود ایہہ وی ٹھیک آکھ کے

متھ دیویں قبر تے اُلا ر دوستا
عملی اے تیرا انکار دوستا
◆◆◆

موتے نہیوں سن دے قرآن آکھیا
سن دے نے ہر تُوں اعلان آکھیا

ایدو ودھ کہدا گنہگار دوستا
عملی اے تیرا انکار دوستا
◆◆◆

قرآن سچا سُچا تے لا ریب من کے
فیر وچوں کدھی جاویں عیب من کے

داتے تُوں بنا لئے بے شمار دوستا
عملی اے تیرا انکار دوستا
◆◆◆

اللہ نوں علیم تے نجیر من کے
 عَلٰی كُلِّ شَيْءٍ قَدِيرٌ من کے
 فلانا آکھیں دُبی دیندا تار دوستا
 عملی اے تیرا انکار دوستا



نالے آکھیں اللہ فریاد سن دا
 نالے آکھیں بابا بغداد سن دا
 رب نالوں توڑ لئی توں۔ تار دوستا
 عملی اے تیرا انکار دوستا



اللَّهُ أَحَدٌ آکھیں اللُّهُ الصَّمَدُ
 مویاں نوں بناویں نالے اللہ نالوں ودھ
 ہوش کر سوچ تے وچار دوستا
 عملی اے تیرا انکار دوستا



سپتے آ کے پردھیں توں نماز دوستا
قبر اُتے دتھیں توں نیاز دوستا
سودا لے کے ہئی توں ادھار دوستا
عملی اے تیرا انکار دوستا
◆◆◆

میں وی اک بشر ہاں ایہہ آکھیا حضور ﷺ
توں آکھیں رب دے آ نور وچوں نور
جتاویں نبی ﷺ نال بڑا پیار دوستا
عملی اے تیرا انکار دوستا
◆◆◆

گل نہیں جے مٹی پیار کاہدا اے
دعویٰ تیرا دس دعویدار کاہدا اے
سٹکیاں مسجداں بے کار دوستا
عملی اے تیرا انکار دوستا
◆◆◆

رواج کچھے سُنّت رسول ﷺ چھڈ کے
نبی ﷺ نے جو دسے اوہ اصول چھڈ کے

جنتاں دا بنیں دعویدار دوستا
عملی اے تیرا انکار دوستا



پڑھ کے توں وکھ فیصلہ قرآن دا
اللہ باہجوں ہور کوئی نہیں غیب جان دا

توں کریں جھوٹی تکرار دوستا
عملی اے تیرا انکار دوستا



رب دے خزانے گلے رب کول نہیں
توں آکھیں موئے چتے سب کول نہیں

اوہ قبر وچوں ونڈ دے نے باہر دوستا؟
عملی اے تیرا انکار دوستا



عقیدتاں توں واہوا نبی ﷺ نال رکھیاں
دھلہ دھکی قبراں بناویں پکھیاں

ووہی وانگ دتیاں شدگار دوستا
عملی اے تیرا انکار دوستا



آئے روز نویاں بناویں رساں
گچی لسی وانگ پیا وودھاویں رساں

بنا لیا ای اینوں روزگار دوستا
عملی اے تیرا انکار دوستا



میرے آقا ﷺ دا مقام

رکتاں اُچا وکھ میرے آقا ﷺ دا مقام
پڑھ وکھ دس دا اے رب دا کلام



جدوں میرا نبی ﷺ اے معراج چلیا
اللہ پاک جنتی براق گھلیا
جبریل ﷺ پھڑی اے سواری دی لگام
رکتاں اُچا وکھ میرے آقا ﷺ دا مقام



قصی دے وچ انبیاء سارے نیں
اللہ کولوں پائے درجات بھارے نیں
مقتدی نے سارے میرے آقا ﷺ نے امام
رکتاں اُچا وکھ میرے آقا ﷺ دا مقام



تھاؤں تھائیں رتبہ بلند سب دا

نیاں پچایا سچا دین رب دا

میرے آقا ﷺ اُتے دین ہویا اے تمام

رکتاں اُچا دیکھ میرے آقا ﷺ دا مقام



دنیا نوں شان تے مقام دیا

رتبہ اے خیر الانام ﷺ دیا

اللہ پاک بھیجا درود تے سلام

رکتاں اُچا دیکھ میرے آقا ﷺ دا مقام



مومنوں دے اُتے احسان رب دا

کڈا وڈا دیکھو سبحان رب دا

اللہ پاک کہیا جنھوں اپنا انعام

رکتاں اُچا دیکھ میرے آقا ﷺ دا مقام



ایہہ جے لوکو رب دا انعام دکھرا
 ساریاں رسولاں چوں مقام دکھرا
 آندے جندے کول نوری بن کے خدام
 کتناں اچا دیکھ میرے آقا ﷺ دا مقام



رب دی رضا ایس بات وچ جے
 نجات سوہنے نبی ﷺ دی اطاعت وچ جے
 دیکھو کویں آقا ﷺ نے گزارے صبح شام
 کتناں اچا دیکھ میرے آقا ﷺ دا مقام



حشر نوں ایں سخت جاں پیاس لگنی
 آقا ﷺ دے آخوض ول آس لگنی
 سوہنے نے پلانے اوتھے کوٹراں دے جام
 کتناں اچا دیکھ میرے آقا ﷺ دا مقام



ہر نبی لوکاں دی اے گل موڑنی
ساریاں نے آقا ﷺ دی شفاعت لوڑنی
گنہگار پیش ہوں نبی ﷺ دے تمام
رکتاں اچا دیکھ میرے آقا ﷺ دا مقام



جندھے حق نبی ﷺ دی شفاعت ہووے گی
سمجھ لو اوہدی پھر نجات ہووے گی
ٹل جان دکھ سارے مل جائے آرام
رکتاں اچا دیکھ میرے آقا ﷺ دا مقام



ہر نبی اوتھے نفسی نفسی بولنا
میرے نبی ﷺ جتناں دا بوہا کھولنا
نوریاں نے اگے ودھ کرنا سلام
رکتاں اچا دیکھ میرے آقا ﷺ دا مقام



میرے اُتے رب دا احسان بڑا اے
عبدالکھور نوں ایہہ مان بڑا اے
میںوں جو بنایا آنحضور ﷺ دا غلام
رکتاں اُچا دیکھ میرے آقا ﷺ دا مقام



پڑھ دیکھ دس دا اے رب دا کلام
رکتاں اُچا دیکھ میرے آقا ﷺ دا مقام



ہر ویلے رب دے دھیان وچ تون

کتے بھویں چھپ جیں جہان وچ تون
ہر ویلے رب دے دھیان وچ تون



اللہ اے عَلِيمُ الصُّدُورِ بندیا
کوئی چیز اوہدے تون نہیں دور بندیا
شان دیکھ رب دا قرآن وچ تون
ہر ویلے رب دے دھیان وچ تون



جدوں چاہویں اودوں ای پکار بندیا
کرنا نہیں پیندا انتظار بندیا
پکار اوہنوں کسے وی زبان وچ تون
ہر ویلے رب دے دھیان وچ تون



جتنے کوئی بولے اوتھے ای پچھان دا
ہر اک جان دی اوہ بولی جان دا
پکار اوہنوں نفعے نقصان وچ توں
ہر ویلے رب دے دھیان وچ توں

مٹی وچ ہووے بھویں پانی وچ جے
ہر چیز اوہدی نگہبانی وچ جے
رکھ اوہنوں اپنی پچھان وچ توں
ہر ویلے رب دے دھیان وچ توں

نعمتاں نے تینوں بے شمار دیتیاں
کَلَّے اللہ پرودگار دیتیاں
نہ کر کمی شکر اداں وچ توں
ہر ویلے رب دے دھیان وچ توں

کوئیں تیرے بدن دی مشین چلدی
اکھاں وچ پئی اے دُور بین چلدی
کیتی جیسی نظارے پیا جہان وچ توں
ہر ویلے رب دے دھیان وچ توں



جھوں اللہ روکیا اے روک ایہناں نوں
بھیڑے پاسے جاہن جدوں ٹوک ایہناں نوں
متاں پھس جاویں نقصان وچ توں
ہر ویلے رب دے دھیان وچ توں



چاہنا ایں جے مل جئے نجات بندیا
کر لئے توں رب دی اطاعت بندیا
غور کر آقا ﷺ دے بیان وچ توں
ہر ویلے رب دے دھیان وچ توں



عبادت ہووے رب دی طریقہ نبی ﷺ دا
سکھ لئے توں بندیا سلیقہ نبی ﷺ دا

لہجہ کے حدیث تے قرآن وچ توں
ہر ویلے رب دے دھیان وچ توں



حدیث تے قرآن رہنمائی دوستا
ایہناں توں بغیر اے تباہی دوستا

پینا نہیں وہم تے گمان وچ توں
ہر ویلے رب دے دھیان وچ توں



بھلا پھریں رب دا دوارہ چھڈ کے
خوش ہوویں قبر تے لکیراں کڈھ کے

پیسہ لاویں رکناں آن جان وچ توں
ہر ویلے رب دے دھیان وچ توں



رب دیاں نعمتاں ہنڈاویں بندیا
متھ جا کے قبر تے جھکاویں بندیا
غور کدے کیتا نہیں قرآن وچ توں
ہر ویلے رب دے دھیان وچ توں



اللہ باہجوں کسے نوں جے توں پکاریں گا
اُچی نیویں غائبانہ واجاں ماریں گا
پھس جائیں گا جال بنی شیطان وچ توں
ہر ویلے رب دے دھیان وچ توں



بولیں جدوں حق والا بول بولیں توں
تولیں جدوں پورا پورا تول تولیں توں
شمار ہو جا چے مسلمان وچ توں
ہر ویلے رب دے دھیان وچ توں



دین وچ کولوں توں ملاوٹاں نہ کر
جھوٹی موٹی اتوں توں سجاوٹاں نہ کر

لگا رہ نہ دنیا کمان وچ توں
ہر ویلے رب دے دھیان وچ توں



رب دیاں حداں نہ پامال کریں توں
حرام جنوں آکھیا حرام کریں توں

جلیا نہ رہویں نت کھان وچ توں
ہر ویلے رب دے دھیان وچ توں



اودھے کولوں گجھ نہیں لکا سکدا
بھج کے وی کہتے نہیوں جا سکدا

پکا ہو جا اپنے ایمان وچ توں
ہر ویلے رب دے دھیان وچ توں



پکا سچا رب دا غلام بن توں
حرام جنوں آکھیا حرام من توں
ٹھٹکا رہ نہ مرضیاں چلان وچ توں
ہر ویلے رب دے دھیان وچ توں



زندگی اے تھوڑی ایسھوں ٹر جانا ایں
مٹی دے خمیر وچ مڑ جانا ایں
ٹلنا ایں عدل دے میزان وچ توں
ہر ویلے رب دے دھیان وچ توں



ویلا اج رب دی رضا لوڑ لئے
اک سچے رب ولے کھ موڑ لئے
سدا رہویں جنتی مکان وچ توں
ہر وقتے رب دے دھیان وچ توں



ہور کتاباں پڑھیے کیوں

ساڈے کول قرآن حدیث اے اسیں ہور کتاباں پڑھیے کیوں
ساڈا مرشد کی مدنی ﷺ کسے ہور نوں مرشد پھڑیے کیوں



آقا ﷺ نے ورثہ چھڈیا، قرآن تے سنت پیاری دا
لسنہاں تے عمل کمانا فرمان حبیب ﷺ غفاری دا
ایہہ رستہ جنت والا ایویں کھو بے دے وچ وڑیے کیوں
ساڈے کول قرآن حدیث اے اسیں ہور کتاباں پڑھیے کیوں



کسے گل وچ جھگڑا پئے جنے، ایہہ اللہ نے فرمایا جے
قرآن حدیث دے کولوں تسیں مسئلہ حل کرایا جے
جد کول قرآن حدیث اے، فرجھوٹھ لڑایاں لڑیے کیوں
ساڈے کول قرآن حدیث اے اسیں ہور کتاباں پڑھیے کیوں



قرآن حدیث دے ہندیاں کسے اپنی عقل لڑانی نہیں
 لہنہاں توں پاسے ہو کے کسے اپنی خواہش منانی نہیں
 ایہہ دین مکمل سچا ایویں کولوں پچراں جڑیے کیوں
 ساڈے کول قرآن حدیث اے اسیں ہور کتاباں پڑھیے کیوں



ایہہ دین مکمل دتا سانوں محبوب ﷺ ربانے نیں
 جو اس توں پاسے جاوے اوہنے سدا ای دھکے کھانے نیں
 اسیں حکم عدولی کر کے پئے دوزخ دے وچ سڑیے کیوں
 ساڈے کول قرآن حدیث اے اسیں ہور کتاباں پڑھیے کیوں



سانوں حکم اللہ نے دتا، سوہنے نبی ﷺ دی تابعداری دا
 جے کر لئی تابعداری، محبوب اوہ ذات غفاری دا
 رب شاہ رگ توں وی نیڑے، فیرو پوڑیاں لا کے چڑھیے کیوں
 ساڈے کول قرآن حدیث اے اسیں ہور کتاباں پڑھیے کیوں



رب ہر اک دی اے سن دا، نہیں لوڑ ویلے پاون دی
ایویں خرچ کرایہ کر کے کیہ لوڑ دراڑے جاون دی
رب کہوے نہیں مُردے سن دے فرسیس قبرتے دھریے کیوں
ساڈے کول قرآن حدیث اے اسیں ہور کتاباں پڑھیے کیوں



ساڈا مرشد کئی مدنی رحمۃ اللہ علیہ کسے ہور نوں مرشد پھڑیے کیوں
ساڈے کول قرآن حدیث اے اسیں ہور کتاباں پڑھیے کیوں



اج کل عاشق رسول ﷺ آہندے میں

اج کل عاشق رسول ﷺ آہندے میں
چل کے حضور ﷺ ساڈے کول آندے میں



کویں کیتی جانڈے گستاخی رنج کے
جانڈے گستاخی ولے بھیج بھیج کے
رکھ دتا رب دا اے دین کج کے

کولوں دین دکھرا بنائی جانڈے میں
اج کل عاشق رسول ﷺ آہندے نہیں
چل کے حضور ﷺ ساڈے کول آندے میں



خواباں تے خیالاں وچ وس دے نے پے
جال ابلیس وچ پھس دے نے پے
حاضر ناظر نبی ﷺ نوں ایہہ دس دے نے پے

نالے ساڈے کول آؤ ہیکاں لاندے نیں
 آج کل عاشق رسول ﷺ آہندے نہیں
 چل کے حضور ﷺ ساڈے کول آندے نیں



نالے حاضر ناظر دا عقیدہ رکھ دے
 عقیدہ دیکھو کنناں ایہہ بوسیدہ رکھ دے
 بھل کے نہیں بلکہ سنجیدہ رکھ دے

پتیاں تک پورا پورا زور لاندے نیں
 آج کل عاشق رسول ﷺ آہندے نیں
 چل کے حضور ﷺ ساڈے کول آندے نیں



محفل ایہہ حضور دی سجائی بیٹھے نیں
 سٹیج اُتے مولوی بٹھائی بیٹھے نیں
 خصوصی مہمان دی بلائی بیٹھے نیں

حضور ﷺ وی نے آئے نالے آکھی جاندے نیں
 آج کل عاشق رسول ﷺ آہندے نیں
 چل کے حضور ﷺ ساڈے کول آندے نیں



مگر کھلار دے نے مار دے نے شو
حضور ﷺ پاک آگئے جان دے اٹھ کے کھلو
ایہو جئے عقیدے اُتے جن دیاں نوں رو

نالے حاضر ناظر نالے آگئے آہندے نہیں
اُج کل عاشق رسول ﷺ آہندے نہیں
چل کے حضور ﷺ ساڈے کول آندے نہیں



حضور ﷺ حاضر ناظر نے تے آئے کتھوں جے
پہلوں تہاڈے کول سی بلائے کتھوں جے
چٹھے سبق پڑھے تے پڑھائے کتھوں جے

لکیر دے فقیر بن ٹری جان دے نہیں
اُج کل عاشق رسول ﷺ آہندے نہیں
چل کے حضور ﷺ ساڈے کول آندے نہیں



نبی ﷺ تہاڈے کول اے بلاوندے جے کیوں
اُچی اُچی ہیکاں فیر لاوندے جے کیوں
چھٹیاں مدینے ول پاوندے جے کیوں

ڈانگاں لئے کے عقل نوں پجائی جاندهے نیں
 آج کل عاشق رسول ﷺ آہندے نیں
 چل کے حضور ﷺ ساڈے کول آندے نیں



مولوی دے اتوں نوٹ سٹ دے نے پئے
 کھان پین واہدوں موجاں لٹ دے نے پئے
 کھان لگے کھانے اُتے ٹٹ دے نے پئے

کھانا اے سوادى بڑا پئے سلاہندے نیں
 آج کل عاشق رسول ﷺ آہندے نیں
 چل کے حضور ﷺ ساڈے کول آندے نیں



حضور ﷺ میرے گھر آئے کہندا جہڑا اے
 نور و نور کر دتا میرا ویہڑا اے
 ایو ددھ ہور گستاخ کہڑا اے

محبت جہڑے ہندے اوہ تے آپ جاندهے نیں
 آج کل عاشق رسول ﷺ آہندے نیں
 چل کے حضور ﷺ ساڈے کول آندے نیں



حیثے چوں آیا اے بلائ چل کے
وکدا وکاندا کویں ماراں جھل کے
بیٹھا اے حضور ﷺ دا دوارہ مل کے

چھڈ کے دوارہ اوہ نہیں مول جاندے نیں
آج کل عاشق رسول ﷺ آہندے نیں
چل کے حضور ﷺ ساڈے کول آندے نیں



فارس وچوں آپ سلمان آیا اے
نبی ﷺ دے دوارے آ کے ڈیرہ لایا اے
مڑ جاوے پچھاں نہ خیال آیا اے

ایڈا پکا نبی ﷺ نال پیار پاندے نیں
آج کل عاشق رسول ﷺ آہندے نیں
چل کے حضور ﷺ ساڈے کول آندے نیں



رکناں ویکھو بندے نال اللہ نوں پیار

رکناں ویکھو بندے نال اللہ نوں پیار
ساری مخلوق دا اے بندہ سردار



ہتھ نال بندے نوں بنایا رب نے
سجدہ ملائکہ توں کرایا رب نے
رکناں اچا رب نے بنایا شاہکار
ساری مخلوق دا اے بندہ سردار



کڈا سوہنا بندے نوں پھبایا رب نے
ایہدے جہیا کوئی نہیں بنایا رب نے
چال ڈھال سوہنی سوہنا روپ تے نکھار
ساری مخلوق دا اے بندہ سردار



نعمتوں بنایاں کئی ہزار بندے لئی
کہیاں نہ جاہن بے شمار بندے لئی
ہر ویلے بندیا توں شکر گزار
ساری مخلوق دا اے بندہ سردار



کیہ کیہ چیزاں رب نے عطایاں بندے نوں
سوچ فہم دتیاں دانائیاں بندے نوں
ایہناں کولوں بندہ کم لیندا اے ہزار
ساری مخلوق دا اے بندہ سردار



آپ اللہ کھاندا نہیں کھلاندا بندے نوں
آپ نہیں اوہ سوندا تے سلاندا بندے نوں
تیریاں حفاظتاں دا اللہ ذمہ دار
ساری مخلوق دا اے بندہ سردار



بندگی جے کرے گاتے بندہ ہووے گا
نہیں تے خنزیر توں وی گندہ ہووے گا
بندگی نہیں کردا تے بندہ اے بیکار
ساری مخلوق دا اے بندہ سردار



جہاں بندہ اللہ دے قریب ہووے گا
اونوں اُچّا درجہ نصیب ہووے گا
عیب سارے کجج لئے گا پروردگار
ساری مخلوق دا اے بندہ سردار



بندہ اوہ جو اوہدا منشور من لئے
حکم اوہدے عبدالشکور من لئے
بندہ کہلان دا اے فیر حقدار
ساری مخلوق دا اے بندہ سردار



بندہ بنے گا تے اللہ دا پیار ملے گا
جتناں سچ رب دا دیدار ملے گا
ہمیشہ لئی رحمتاں دی وّسے گی پھوار
ساری مخلوق دا اے بندہ سردار

ایناں شان اللہ نے عطایا بندے نوں
نبیّ جے بنایا تے بنایا بندے نوں
ایڈا اچا دتا لیہنوں شان تے وقار
ساری مخلوق دا اے بندہ سردار

اللہ ایناں بندے نوں پسند کیتا اے
ساری مخلوق چوں بلند کیتا اے
جتھے کوئی نہیں گیا، گیا سدہ توں پار
ساری مخلوق دا اے بندہ سردار

سانوں اللہ اوہناں ج شمار کر دے
نصیب ساڈے اپنا دیدار کر دے
نبی ﷺ دے گواہنڈ مل جاوے گھر بار
ساری مخلوق دا اے بندہ سردار



عبدالشکور خان عزیز دیاں کتاباں ”توحیدی کرناں“،
”توحیدی مہکاں“، ”مٹھیاں ٹکوراں“، ”توحیدی
چمکاں“ اینھاں تھاواں تو مل سکدیاں نیں۔

① نعمانی کتب خانہ حق سٹریٹ اردو بازار لاہور۔

② طیبہ واج ہاؤس اندرون دروازہ کوٹ بدر دین قصور۔

③ جامع مسجد ”اللہ اکبر“ اہل حدیث اٹھیل پور ضلع قصور

0306-4799759

ملاوٹاں نہ کر

ہکم ایہدے من لئے رکاوٹاں نہ کر
دین وچ کولوں توں ملاوٹاں نہ کر



اونویں دس جوہیں آں قرآن دس دا
نبی ﷺ دا جو سوہنا فرمان دس دا
لا کے کولوں پچراں بناوٹاں نہ کر
دین وچ کولوں توں ملاوٹاں نہ کر



قرآن تے حدیث تے یقین رکھ توں
نبی ﷺ جوہیں دتا اونویں دین رکھ توں
بدعتاں دے نال پیا سجاوٹاں نہ کر
دین وچ کولوں توں ملاوٹاں نہ کر



ہر ویلے سامنے قرآن رکھ توں
نبی ﷺ دا پیارا فرمان رکھ توں
مقابلے چ پیش توں کہاوتاں نہ کر
دین وچ کولوں توں ملاوتاں نہ کر
◆◆◆

دین وچ پانے توں فساد جھڈ دے
حسد بغض کینہ تے عناد جھڈ دے
مومنناں دے نال توں عداوتاں نہ کر
دین وچ کولوں توں ملاوتاں نہ کر
◆◆◆

پڑھ کائنات دے امام ﷺ دیا
قبراں تے سجدہ حرام دیا
من کے شیطان دی بغاوتاں نہ کر
دین وچ کولوں توں ملاوتاں نہ کر
◆◆◆

حکم قرآن دے توں من وی تے سہی
ایہدے تے ایمان پکا بنھ وی تے سہی
جھوم جھوم زریاں ملاوٹاں نہ کر
دین وچ کولوں توں ملاوٹاں نہ کر



پل وچ دین کولوں پھر جانا ایں
جتھے قبر دیکھیں اوتھے گر جانا ایں
بندہ ہو کے ایڈیاں گراوٹاں نہ کر
دین وچ کولوں توں ملاوٹاں نہ کر



إِيَّاكَ نَعْبُدُ پڑھنا ایں توں
قبراں تے سجدے وی کرنا ایں توں
چاہڑیں توں چڑھاوے ایہہ سخاوتاں نہ کر
دین وچ کولوں توں ملاوٹاں نہ کر



نالے رب اُگے توں دعاواں کیتی جیں
نالے مویاں اگے وی نداواں کیتی جیں
مسلمان ہو کے ایہہ بغاوتاں نہ کر
دین وچ کولوں توں ملاوئاں نہ کر



عرس اُتے جان لئی تزک جانا ایں
نماز ویلا ہووے جدوں تھک جانا ایں
شرم کر ایڈیاں تھکاوئاں نہ کر
دین وچ کولوں توں ملاوئاں نہ کر



خالص اللہ پاک نوں پکار جھلیا
جندھے کول ہر اختیار جھلیا
حق دین دس تے لکاوئاں نہ کر
دین وچ کولوں توں ملاوئاں نہ کر



پیشک ہوں نیک بندے ٹھیک رب دے

چھڈ دے بناوے شریک رب دے

رب نال جھلیا بغاوتاں نہ کر

دین وچ کولوں توں ملاوٹاں نہ کر



حکم ایہدے من لئے رُکاوٹاں نہ کر

دین وچ کولوں توں ملاوٹاں نہ کر



رب دی تعریف کدے ہووے نہ بیان

رب دیاں قدرتاں دا ہر تھاں ظہور
 پایا اے دماغ وچ فہم تے شعور
 سگتاں نوں سماعت دتی اکھیاں نوں نور
 لتاں پیرا نال پینڈا کر دا اے دور

بولیاں پئی بولدی اے کئی جنی زبان
 رب دی تعریف کدے ہووے نہ بیان



مُحَلّاں نوں ایں دتی وکھو دکھ خوشبو
 تنگھے دماغ ترو تازہ جاوے ہو
 ہر شے مٹی وچوں کڈھ دا اے اہو
 مٹی وچوں کڈھے دیوے مٹی چ لکھو

مٹی چوں کرائی اللہ بندے دی پچھان
 رب دی تعریف کدے ہووے نہ بیان



ہتھ بنھ رب دے ای در تے کھلو
 جدوں تینوں لوڑ پوے رب اگے رو
 باج اوہدے حکموں نہ کجھ سکے ہو
 دھیاں پت دین والا ساریاں نوں اوہ

اوسے دا ای منگتا اے سارا ای جہان
 رب دی تعریف کدے ہووے نہ بیان



سارا ایہہ جہان بنی بنایا کالے جے
 تھماں باج ستے آسمان ٹھلے جے
 بدّل اوہنے کالے تے سفید گھلے جے
 بدلاں چوں پانی دے فوارے چلے جے

دیکھ دیکھ کم اوہدے عقلاں حیران
 رب دی تعریف کدے ہووے نہ بیان



جنے وی درخت ہن اُتے بنی جہان
 ایہناں دیاں گھڑ گھڑ قلمناں بنان
 سارے ای سمندر سیاہی بن جان
 لکھن لگ پین سارے جن انسان

لکھ لکھ تھک کے ایہہ سارے مر جان
رب دی تعریف کدے ہووے نہ بیان



آ جاہن جن انسان اپنے ہو
طاقاں دے مالک تے بڑے شہہ زور
ہون بے درخت سمندر اپنے ہو
دن رات لکھی جاہن لا کے سارا زور

مک جاہن قلمماں سیاہیاں سک جان
رب دی تعریف کدے ہووے نہ بیان



جدوں تک چاہوے گا جہان رہوے گا
جدوں اوہنے چاہیا ٹٹ بچ پوے گا
تے آسمان اوہ لپیٹ لوے گا
اللہ اے ہمیشہ توں ہمیشہ رہوے گا

ہر چیز فانی باقی اللہ رحمان
رب دی تعریف کدے ہووے نہ بیان



مئے نہ تعریف سوچ مک جاندی اے
 لکھ لکھ قلم وی رُک جاندی اے
 بدو بدی دھون تھلے جھک جاندی اے
 اخیر گولی موت والی ٹھک جاندی اے

پہنچ جاوے لکھن والا اگلے جہان
 رب دی تعریف کدے ہووے نہ بیان



عبدالشکور خان عزیز دیاں کتاباں ”توحیدی کرناں“،
 ”توحیدی مہکاں“، ”مٹھیاں ٹکوراں“، ”توحیدی
 چمکاں“ اینھاں تھاواں تو مل سکدیاں نیں۔

- ① نعمانی کتب خانہ حق سٹریٹ اردو بازار لاہور۔
- ② طیبہ واچ ہاؤس اندرون دروازہ کوٹ بدر دین قصور۔
- ③ جامع مسجد ”اللہ اکبر“ اہل حدیث اٹھیل پور ضلع قصور

0306-4799759

کرشکر ادائی اللہ دی

رب آگے سجدے پئے پئے کے
اللہ دے درتے ڈھیہ ڈھیہ کے
الحمد للہ کہہ کہہ کے

دی اللہ ثنائی کر صفت
دی اللہ ادائی کر شکر



اوہ من مرضی دا مالک ہے
اوہ ہر اک شے دا خالق ہے
اوہ اللہ سب دا رازق ہے

دی اللہ خدائی ہے گل
دی اللہ ادائی کر شکر



جویں چاہوے اونویں کر دے اوہ
جدھی چاہوے جھولی بھر دے اوہ
جد چاہوے خالی کر دے اوہ

ایہہ بے پروائی اللہ دی
کز شکر ادائی اللہ دی



اوہ مالک آپ صلاحواں دا
مینہ بدّل گڑھے ہواواں دا
دکھ درد تے خوشیاں چاواں دا

ہے رائی رائی اللہ دی
کر شکر ادائی اللہ دی



اوہ حکم چلاون والا جے
ہر چیز بناون والا جے
مختار کہاون والا جے

دیا کر گواہی اللہ دی
کر شکر ادائی اللہ دی



کیا خوب بنانا شکلاں جے
کوئی مار نہیں سکدا نقلاں جے
دماغ سچ پاندا عقلاں جے

دی اللہ بنائی چیز ہر
دی اللہ ادائی شکر کر



چن تے سورج رُک دے نہیں
کدے دیکھ سمندر سُنک دے نہیں
بھرے رہن خزانے مُک دے نہیں

دی اللہ خدائی کھائے پئی
دی اللہ ادائی شکر کر



کئی جھوٹھیاں گلاں کر دے نے
باپے وی جھولی بھر دے نے
اوہ کہن تے بیڑے تردے نے

دی اللہ بھلائی کوں قدر
دی اللہ ادائی شکر کر



ایہہ نرا شیطانی جھاسہ ہے
 ایہہ لوکو گھوڑ دلاسه ہے
 نہیں سیر کسے دا ماسہ ہے
 ایہہ گل خدائی اللہ دی
 کر شکر ادائی اللہ دی



جد کول اللہ دے جاون گے
 فر اوتھے پئے پچھتاون گے
 پئے حال دہایاں پاون گے
 جد پوے گی پھائی اللہ دی
 کر شکر ادائی اللہ دی



ایہہ رحمت ذوالجلال میاں
 دتی عقل تے سوچ خیال میاں
 نہیں میرا کوئی کمال میاں
 ایہہ لکھت کھائی اللہ دی
 کر شکر ادائی اللہ دی



پکڑ اللہ پاک دی

منکراں دے واسطے وعید بڑی اے

پکڑ اللہ پاک دی شدید بڑی اے

قرآن وَجَّ عَذَابَ الْاَلِيمِ آکھیا

کتے آ عَذَابَ عَظِيمِ آکھیا

بار بار ایس دی تائید بڑی اے

پکڑ اللہ پاک دی شدید بڑی اے



رب دا شریک نہ بناویں بندیا

اللہ باہجوں متھا نہ جھکاویں بندیا

نبی ﷺ ایہدی کیتی تاکید بڑی اے

پکڑ اللہ پاک دی شدید بڑی اے



شُرک لوگ کہتی تے کرائی جانڈے نیس
اللہ باہجوں داتے کئی بنائی جانڈے نیس

جنتاں دی رکھ دے اُمید بڑی اے
پکڑ اللہ پاک دی شدید بڑی اے



مُشرک لئی جنت اے حرام آکھیا
پڑھ دیکھ رب دے کلام آکھیا
ہونی مُشرک دی مٹی پلید بڑی اے
پکڑ اللہ پاک دی شدید بڑی اے



کوئیں ویکھو مُشرک دیاں حداں نگھ دے
کچے تند نال بابا پٹھا ننگ دے
عبادت اِنج کہتی اے شنید بڑی اے
پکڑ اللہ پاک دی شدید بڑی اے



کڈے کڈے لاندے ایہہ بہتان وکھ لو
مَت کیویں ماری اے شیطان وکھ لو
بھئی جانڈے کولوں ایہہ تمہید بڑی اے
پکڑ اللہ پاک دی شدید بڑی اے



ولیاں تے ٹہمتاں ایہہ لاوندے نے پئے
گھمباں دیاں ڈاراں ایہہ بناوندے نے پئے
جھوٹھے دی سزا تے مزید بڑی اے
پکڑ اللہ پاک دی شدید بڑی اے



بھنگ جس پیندا جے کوئی فوت ہو گیا
فوت دی بے دینی والی موت ہو گیا
شان کہندے پا گیا شہید بڑی اے
پکڑ اللہ پاک دی شدید بڑی اے



دَس کرامتاں ایہہ گڑھ کڑھ کے
گلاں ایہہ بناندے دیکھو بڑھ چڑھ کے

دھم پائی باجے دے مُرید بڑی اے
پکڑ اللہ پاک دی شدید بڑی اے



ولی کدے سُنّتاں توں باہر جاندے نہیں
سُنّتاں توں باہر کدے پیر پاندے نہیں
بدعتاں دی کیتی تردید بڑی اے
پکڑ اللہ پاک دی شدید بڑی اے



لوکو آج ویلا جے معافی منگ لو
توحید والے رنگ وچ بٹہ رنگ لو
مومناں لئی سب توں توحید بڑی اے
پکڑ اللہ پاک دی شدید بڑی اے
منگراں دے واسطے دَعید بڑی اے
پکڑ اللہ پاک دی شدید بڑی اے



عبدالشکور خان عزیز

ہوراں دیاں کتاباں

”توحیدی کرناں“

”توحیدی مہکاں“

”توحیدی چمکاں“

”مٹھیاں نکلوراں“

۱۔ استھان تھاداں توں مل سکدیاں نیں۔

۲۔ نعمانی کتب خانہ حق سٹریٹ اردو بازار لاہور۔



۳۔ طیبہ واج ہاؤس اندرون دروازہ کوٹ بدر دین قصور۔

۴۔ جامع مسجد ”اللہ اکبر“ اہل حدیث انجیل پور ضلع قصور۔

0306-4799759

توحید و سنت توں بیگانیاں واسطے نور منارے
 کتاب و سنت پروانیاں واسطے حق دے پکارے

توحید و سنت دی پکارتے حق دی للکار بن کے
 اپنا فریضہ ادا کرن والے خطباء تے واعظین واسطے
 عبدالشکور عزیز ہوراں دے ہر د عزیز تحفے



T34

حق سنڈیٹ
 اردو بازار لاہور
 37321865

نعمانی کتب خانہ

